



柳田文庫  
文庫11  
D 303  
20



文庫11  
D 303  
20

柳田泉文庫

48-10982

010190566817

明史卷八十八

志第六十四

總裁官總理事務 經筵講官 孫承澤 李本 孫和 殿大學士 善慶 都察院尚書 加六級 張廷 孫奉

敕修

河渠六

直省水利

三代疆理水土之制甚詳自井田廢溝遂堙水常不得其治於是穿鑿渠塘井陂以資灌既明初太祖詔所在有司民以水利條上者即陳奏越二十七年特諭工部陂塘湖堰可蓄洩以備旱潦者皆因其地勢修治之乃分遣國子生及人材徧詣天下督修水利明年冬郡邑

月史卷八十八

志

一



交奏凡開塘堰四萬九百八十七處其恤民者至矣嗣後有所興築或役本境或資鄰封或支官料或採山場或農隙鳩工或隨時集事或遣大臣董成終明世水政屢修可具列云洪武元年修和州銅城堰圍周迴二百餘里四年修興安靈渠爲陡渠者三十六渠水發海陽山秦時鑿溉田萬頃馬援葺之後圯至是始復六年發松江嘉興民夫二萬開上海胡家港自海口至漕涇千二百餘丈以通海船且濬海鹽澉浦八年開登州蓬萊閣河命耿炳文濬涇陽洪渠堰溉涇陽三原醴泉高陵臨潼田二百餘里九年修彭州都江堰十二年李文忠

言陝西病鹹鹵請穿渠城中遙引龍首渠東注從其請甃以石十四年築海鹽海塘十七年築磁州漳河決堤決荊州嶽山壩以灌民田十九年築長樂海堤二十三年修崇明海門決堤二萬三千九百餘丈役夫二十五萬人四川永寧宣慰使言所轄水道百九十灘江門大灘八十二皆被石塞詔景川侯曹震往疏之二十四年修臨海橫山嶺水閘寧海奉化海堤四千三百餘丈築上虞海堤四千丈改建石閘濬定海鄞二縣東錢湖灌田數萬頃二十五年鑿深陽銀墅東壩河道由十字港抵沙子河胭脂壩四千三百餘丈役夫三十五萬九千

餘人二十七年濬山陽支家河鬱林州民言州南北二江相去二十餘里乞鑿通設石陡諸閘從之二十九年修築河南洛堤復興安靈渠時尚書唐鐸以軍興至其地圖渠狀以聞請濬深廣通官舟以餉軍命御史嚴震直燒鑿陡澗之石餉道果通三十一年洪渠堰圯復命耿炳文修治之且濬渠十萬三千餘丈建文四年疏吳淞江永樂元年修安陸京山漢水場岸章邱潔河東堤高密維決岸安陽河堤福山護城決堤浙江赭山江塘餘于龍窟壩塘岸臨賴褚河決口濰縣白浪河堤潛山懷寧陂堰高要青岐羅安圩通州徐窰食利等港平濬

廣濟渠句容楊家港王阜圩等堤肇慶鳳翔遙頭岡決岸南陽高家屯頭二堰及沙澧等河堤夏縣古河決口三十餘里修築和州保大等圩百二十餘里蓄水陡門九濬昌邑河渠五所鑿嘉定小橫瀝以通秦趙二涇濬崑山葫蘆等河命夏原吉治蘇松嘉興水患濬華亭上海運鹽河金山衛閘及漕涇分水港原吉言浙西諸郡蘇松最居下流嘉湖常頗高環以太湖綿亘五百里納杭湖宣歙溪澗之水散注澱山諸湖以入三泖項爲浦港埋塞漲溢害稼拯治之法在濬吳淞諸浦按吳淞江袤二百餘里廣百五十餘丈西接太湖東通海前代常

疏之然當潮汐之衝旋疏旋塞自吳江長橋抵下界浦  
百二十餘里水流雖通實多窄淺從浦抵上海南倉浦  
口百三十餘里潮汐淤塞已成平陸豔沙游泥難以施  
工嘉定劉家港卽古婁江徑入海常熟白茆港徑入海  
皆廣川急流宜疏吳淞南北兩岸安亭等浦引太湖諸  
水入劉家白茆二港使其勢分松江大黃浦乃通吳淞  
要道今下流遏塞難濬旁有范家浜至南倉浦口徑達  
海宜濬深濶上接大黃浦達泖湖之末庶幾復禹貢三  
江入海之舊水道旣通乃相地勢各置石閘以時啟閉  
每歲水涸時預修圩岸以防暴流則水患可息帝命發

民丁開濬原吉晝夜徒步以身先之功遂成二年修泰  
州河塘萬八千丈興化南北堤泰興沿江圩岸六合瓜  
步等屯濬丹徒通潮舊江又修象山茭湖塘岸海康徐  
聞二縣邗隱坡調黎等港堤岸黃巖混水等十五閘六  
陡門孟津河堤分宜湖塘武陟馬田堤岸香山竹徑水  
陂復興安分水塘興安有江源出海陽山江中橫築石  
埭分南北渠溉民田甚溥埭上疊石如鱗以防衝溢巖  
震直撤石增埭水道無所洩衝塘岸盡趨北渠南渠淺  
澀民失利至是修復如舊海門民請發淮安蘇常民丁  
協修張墩港東明港百餘里潰堤帝曰三郡民方苦水

患不可重勞遣官行視以揚州民協築之當塗民言慈湖瀕江上通宣歙東抵丹陽湖西接蕪湖久雨浸淫潮漲傷農宜遣勦修築帝從其請且諭工部安徽蘇松浙江江西湖廣凡湖泊卑下圩岸傾頽亟督有司治之夏原吉復奉命治水蘇松盡通舊河港又濬蘇州千墩浦致和塘安亭顧浦陸皎浦尤涇黃涇共二萬九千餘丈松江大黃浦赤雁浦范家浜共萬二千丈以通太湖下流先是修含山崇義堰未幾和州民言銅城閘上抵巢湖下通揚子江決圩岸七十餘處乞修治其吏目張良興又言水滄麻澧二湖田五萬餘頃宜築圩埂起桃花

橋訖含山界三十里俱從之三年修上虞曹娥江壩埂濶縣馱塢村堤堰四千餘丈南海衛蓮塘四會縣鷓鴣水等堤岸無爲州周興等鄉及鷹揚衛烏江屯江岸築昌黎及歷城小清河決堤應天新河口北岸從大勝關抵江東驛三千三百丈濬海州北舊河上通高橋下接臨洪場及山陽運鹽河十八里四年修築宣城十九圩豐城穆湖圩岸石首臨江萬石堤溧水決圩修懷寧斗潭河彭灘圩岸順天固安保定荆岱樂亭魯家套社河口吉水劉家塘雲陂江都劉家圩港築湖廣廣濟武家穴等江岸新建石頭岡圩岸江浦沿江堤開泰州運鹽

河普定秦潼河西溪南儀阡三處河口導流興化鹽城  
界入海濬常熟福山塘三十六里五年修長洲吳江崑  
山華亭錢塘仁和嘉興堤岸餘姚南湖壩築高要銀岡  
金山等潰堤溉田五百餘頃治杭州江岸之淪者六年  
濬浙江平陽縣河七年修安陸州渲馬灘決岸海鹽石  
堤築泰興攔江堤三千九百餘丈且濬大港北淤河抵  
縣南出大江四千五百餘丈八年修丹陽練湖塘汝陽  
汝河堤岸南陵野塘圩蚌蕩壩松滋張家坑何家洲堤  
岸平度州濰水浮糠河決口百十二堤堰八千餘丈吳  
江石塘官路橋梁九年修安福丁陂等塘堰安仁饒家

陂壽光堤安陸京山景陵圩岸長樂官塘長洲至嘉興  
石土塘橋路七十餘里泄水洞百三十一處監利車水  
堤四千四百餘丈高安華陂屯陂堤仁和海寧海鹽土  
石塘岸萬餘丈築沂州沐河口決岸并淪沐陽沐河築  
直隸新城張村等口決堤仁和黃濠塘岸三百餘丈孫  
家圍塘岸二十餘里濬維縣于丹河定襄故渠六十三  
里引滹沱水灌田六百餘頃疏福山官渠濬江陰青陽  
河道鄒平白條溝河三十餘里麗水民言縣有通濟渠  
截松陽遂昌諸溪水入焉上中下三源流四十八派溉  
田二千餘頃上源民洩水自利下源流絕沙壅渠塞請

明史卷八十八  
志  
六  
修堤堰如舊部議從之齊東知縣張昇言小清河洪水衝決滄沒諸鹽場及青州田請濬上流修長堤使水行故道皇太子遣官經理之鄆州民言洛水橫決而西衝塌州城東北隅請濬故道循州東山麓南流從之十年修浙江平陽捍潮堤岸黃梅臨江決岸百二十餘里海門捍潮堤百三十里築新會圩岸二千餘丈獻縣饒陽恭儉等岸安邱紅河決岸安州直亭等河決口八十九華容安津等堤決口四十六濬上海播龍江淮縣白浪河北京行太僕卿楊砥言吳橋東光興濟交河及天津等衛屯田雨水決堤傷稼德州良店驛東南二十五里

有黃河故道與州南土河通穿渠置閘分殺水勢大爲民便命侍郎藺芳往理之十一年修蕪湖陶辛政和二圩保定文安二縣河口決岸五十四應天新河圩岸天長福勝戚家莊二塘滎澤大濱河堤濬崑山太平河十二年修鳳陽安豐塘水門十六座及牛角壩新倉舖塌岸武陟郭村馬曲堤岸聊城龍灣河濮州紅船口范縣曹村河堤岸築三河決堤濬海州官河二百四十里解州民言臨晉涑水河逆流決姚暹渠堰入砂地滄民田將及鹽池尋又言硝池水溢決豁口入鹽池以涑水渠姚暹渠併流故命官修築如其請十三年修興濟決岸



南京羽林右衛刁家圩屯田堤吳江縣丞李昇言蘇松水患太湖爲甚急宜洩其下流若常熟白茆諸港崑山千墩等河長洲十八都港汶吳縣無錫近湖河道皆宜循其故迹濬而深之仍修蔡涇等閘候潮來往以時啟閉則泛濫可免而民獲耕種之利從之十五年修固安孫家口及臨漳固塚堤岸十六年修魏縣決岸十七年蕭山民言境內河渠四十五里溉田萬頃比年淤塞乞疏濬仍置閘錢清小江壩東庶旱潦無憂山東新城民言縣東鄭黃溝源出淄州下流壅沮霖潦妨農陳家莊南有乾河上與溝接下通烏江乞濬治竝從之十八年

海寧諸縣民言潮沒海塘二千六百餘丈延及吳家等壩通政岳福亦言仁和海寧壞長降等壩淪海千五百餘丈東岸赭山巖門山蜀山舊有海道淤絕久故西岸潮愈猛乞以軍民修築竝從之明年修海寧等縣塘岸二十一年修嘉定抵松江潮圯圩岸五千餘丈交趾順化衛決堤百餘丈文水民言文谷山常稔渠分引文谷河流袤三十餘里灌田今河潰洩水從其奏葺治之二十二年修臨海廣濟河開洪熙元年修黃巖濱海閘壩視永樂初增府判一員專其事修獻縣饒陽恭儉堤及窯堤口宣德二年浙江歸安知縣華嵩言涇陽洪渠堰

明史卷之六  
志  
溉五縣田八千四百餘頃洪武時長興侯耿炳文前後  
修濬未久堰壞永樂間老人徐齡言於朝遣官修築會  
營造不果乞專命大臣起軍夫協治從之三年修灌縣  
都江等堰四十四臨海民言胡巉諸閘渚水灌田近年  
閘壞而金鼇大浦湖來舉嶼等河遂皆壅阻乞爲開築  
帝曰水利急務使民自訴於朝此守令不得人爾命工  
部卽飭郡縣秋收起工仍詔天下凡水利當興者有司  
卽舉行毋緩視巡按江西御史許勝言南昌瑞河兩岸  
低窪多良田洪武間修築水不爲患比年水溢岸圯二  
十餘處豐城安沙繩灣圩岸三千六百餘丈永樂閒水

衝改修百三十餘丈近者久雨江漲堤壞乞敕有司募  
夫修理中書舍人陸伯倫言常熟七浦塘東西百里灌  
常熟崑山田歲租二十餘萬石乞聽民自濬之皆詔可  
四年修獻縣柳林口堤岸潛江民言蚌湖陽湖皆臨襄  
河水漲岸決害荊州三衛荆門江陵諸州縣官民屯田  
無算乞發軍民築治從之福清民言光賢里官民田百  
餘頃堤障海水堤壞久田盡荒永樂中嘗命修治迄今  
未舉民不得耕帝責有司亟治而諭尚書吳中嚴飭郡  
邑陂池堤堰及時修濬慢者治以罪五年巡撫侍郎成  
均言海鹽去海二里石嵌土岸二千四百餘丈水齧其

石皆已剝敝議築新石於岸內而存其舊者以爲外障  
乞如洪武中令嘉嚴紹三府協夫舉工從之六年修瀏  
陽廣濟諸縣堤堰豐城西北臨江石堤及西南七圩壩  
石首臨江三堤濬餘姚舊河池巡撫侍郎周忱言溧水  
永豐圩周圍八十餘里環以丹陽石臼諸湖舊築埂壩  
通陟門石塔農甚利之今頽敗請葺治教諭唐敏言常  
熟耿涇塘南接梅里通昆承湖北達大江洪武中濬以  
溉田今壅阻請疏導並從之七年修眉州新津通濟堰  
堰水出彭山分十六渠溉田二萬五千餘畝河東鹽運  
使言鹽池近地姚暹河流入五星湖轉黃流河兩岸窪

下比歲雨溢水漲衝至解州浪益急遂潰南岸沒民田  
三十餘里鹽池護堤皆壞復因下流凍水河高壅淤逆  
流姚暹以決乞起民夫疏濬從之蘇州知府況鍾言蘇  
松嘉湖湖有六曰太湖龐山陽城沙湖昆承尚湖永樂  
初夏原吉濬導今復淤乞遣大臣疏濬乃命周忱與鍾  
治之是歲汾河驟溢敗太原堤鎮守都司李謙巡按御  
史徐傑以便宜修治然後馳奏帝嘉獎之八年葺湖廣  
偏橋衛高陂石洞完縣南關舊河復和州銅城堰閘修  
安陽廣惠等渠磁州濬陽河五瓜濟民渠九年修江陵  
枝江沿江堤岸築薊州決岸毀蘇松民私築堤堰十年

築海鹽湖決海塘千五百餘丈主事沈中言山陰西小江上通金嚴下接三江海口引諸暨浦江義烏諸湖水以通舟江口近淤宜築臨浦戚堰障諸湖水俾仍出小江詔部覆奪正統元年修吉安沿江堤築海陽登雲都雲步村等決堤濬陝西西安灞橋河二年築蠡縣王家等決口修新會鸞臺山至瓦塘浦頽岸江陵松滋公安石首潛江監利近江決堤又修湖廣老龍堤以爲漢水所潰也三年疏泰興順德鄉三渠引湖漑田潞州永祿等溝渠二十八道通於漳河四年修容城杜村口堤設正陽門外減水河并疏城內溝渠荊州民言城西江水

高城十餘丈霖潦壞堤水卽灌城請先事修治寧夏巡撫都御史金濂言鎮有五渠資以行漑今明沙州七星漢伯石灰三渠久塞請用夫四萬疏濬漑蕪田千三百餘頃竝從之五年修太湖堤海鹽海岸南京上中下新河及濟川衛新江口防水堤溇縣南宮諸堤築順天河閒及容城杜村口郎家口決堤塞海寧蠓巖決堤口濬鹽城伍祐新興二場運河初漂水有鎮曰廣通其西固城湖入大江東則三塔堰河入太湖中間相距十五里洪武中鑿以通舟縣地稍窪而湖納寧國廣德諸水遇潦卽溢乃築壩於鎮以禦之而堰水不能至壩下是歲

改築壩於葉家橋胭脂河者深水入秦淮道也蘇松船  
皆由以達沙石壅塞因并濬之山陽涇河壩上接漕河  
下達鹽城舊置絞關以通舟歲久且敝又恐盜洩水利  
遂築塞河口是歲從民請修壩并復絞關六年造宣武  
門東城河南岸橋修江米巷玉河橋及堤并濬京城西  
南河築豐城沙月諸河堤蕪湖陶辛圩新埂濬海寧官  
河及花塘河狹石橋塘河築瓦石堰二所疏南京江洲  
殺其水勢以便修築塌岸高郵知州韓簡言官河上下  
二閘皆圯河亦不通且子嬰溝塞減水陰洞閉致旱澇  
無所濟俱乞濬治詔部覈實以行七年修江西廣昌江

岸蕭山長山浦海塘彭山通濟堰築南京浦子口大勝  
關堤九江及武昌臨江塌岸濬江陵荆門潛江淤沙三  
十餘里八年修蘭溪卸橋浦口堤弋陽官陂三所濬南  
京城河九年修德州耿家灣等堤岸杞縣離溝堤築容  
城杜村堤決口易上虞菱湖土壩爲石閘挑無錫里谷  
蘇塘華港上村李走馬塘諸河東南接蘇州苑山湖塘  
北通揚子江西接新興河引水灌田濬杞縣牛墓岡舊  
河武進太平永興二河疏海鹽永安河茶市院新涇陶  
涇塘諸河都御史陳鑑言朝邑多沙難耕縣治洛河  
與渭水通請穿渠灌之新安民言城南長溝河西通徐

漕二水東連雄縣直沽沙土淤塞請發丁夫疏濬海陽  
民蕭瑤言縣有長溪源出山麓流抵海口周袤潮郡故  
登隆等都俱寘溝通漑惟隆津等都陸野絕水歲旱無  
所賴乞開溝如登隆長樂民劉彥梁言嚴湖二十餘里  
南接稠菴溪西通倒流溪可備旱溢又有張塘涵塘前  
涵大塘涵陳塘港其利如嚴湖乞令有司疏濬廣濟民  
言縣與鄰邑黃梅歲運糧三萬石於望牛墩小車盤剝  
不堪其勞連城湖港廖家口有溝抵墩前淤淺不能行  
船請與黃梅合力濬通以便水運竝從之十一年修洞  
庭湖堤築登州河岸濬通州金沙場八里河以通運渠

任邱民言凌城港去縣二十五里內有定安橋河北十  
八里通流東七里沙塞宜疏通與港相接入直沽張家  
灣巡撫周忱言應天鎮江太平寧國諸府舊有石臼等  
湖其中溝港歲辦魚課其外平圩淺灘聽民牧放孳畜  
採掘菱藕不許種耕故山溪水漲有所宜洩近者富豪  
築圩田遏湖水每遇泛溢害卽及民宜悉禁革竝從之  
十二年疏平度州大灣口河道荊州公安門外河以便  
公安石首諸縣輸納浙江聽選官王信言紹興東小江  
南通諸暨七十二湖西通錢塘江近爲潮水湧塞江與  
田平舟不能行久雨水溢鄰田輒受其害乞發丁夫疏

明史卷之七  
志  
三  
濬從之十三年築寧夏漢唐壩決口疏山西涑水河南  
海縣通海泉源鑿宣府城濠引城北山水入南城大河  
湖廣五開衛言衛與苗接山路峻險去衛三十里有水  
通靖州江亂石沙灘請疏以便輸運雲南鄧州言本  
州民田與大理衛屯田接壤湖畔每歲雨水沙土壅淤  
禾苗滄沒乞命州衛軍民疏治竝從之十四年濬南海  
潘涌堤岸置水閘和州民言州有姥鎮河上通麻澧二  
湖下接牛屯大河長七十里許廣八丈又有張家溝連  
銅城閘通大江長減姥鎮之半廣如之灌漑降福等七  
十餘圩及南京諸衛屯田近年河潰閘圯率皆淤塞請

興役疏濬仍於姥鎮豐山嘴葉公坡各建閘以備旱澇  
從之景泰元年築丹陽甘露等壩二年修玉河東西堤  
濬安定門東城河永嘉二十六都河常熟顧新塘南至  
當湖北至揚子江三年修泰和信豐堤築延安綏德決  
河綿州西盆河通江堤岸濬常熟七浦塘劍州海子疏  
孟瀆河浜涇十一工部言海鹽石塘十八里潮水衝決  
浮土修築不能久詔別築石塘捍之四年濬江陰順塘  
河十餘里東接永利倉大河西通夏港及揚子江雲南  
總兵官沐璘言城東有水南流源發邵甸會九十九泉  
爲一抵松花壩分爲二支一繞金馬山麓入滇池一從

黑窯村流至雲澤橋亦入滇池舊於下流築堰溉軍民田數十萬頃霖潦無所洩請令受利之家自造石閘啟閉以時報可五年疏靈寶黎園莊渠通鴻瀘澗溉田萬頃六年濬華容杜預渠通運船入江避洞庭險修容城白溝河杜村口固安楊家等口決堤七年尚書孫原貞言杭州西湖舊有二閘近皆傾圯湖遂淤塞按宋蘇軾云杭本江海故地水泉鹹苦自唐李泌引湖水入城爲六井然後井邑日富不可許人佃種周淙亦言西湖貴深濶因招兵二百專一撈湖其後豪戶復請佃湖日益填塞大旱水涸詔郡守趙興勳開濬芟荷芟蕩悉去杭

民以利此前代經理西湖大略也其後勢豪侵占無已湖水淺狹閘石毀壞今民田無灌溉資官河亦澀阻乞敕有司興濬禁侵占以利軍民從之天順二年修彭縣萬工堰灌田千餘頃五年僉事李觀言涇水出涇陽仲山谷道高陵至櫟陽入渭袤二百里漢開渠溉田宋元俱設官主之今雖有瓠口鄭白二渠而堤堰摧決溝洫壅滯民弗蒙利乃命有司濬之八年永平民言漆河遠城西南流入海城趾皆石故水不能決其餘則沙土易潰前人於東北築土堤西南甃岸今歲久日塌宜作堤於東流橫以激之使合西流庶無蕩析患都御史項忠



言涇陽之瓠口鄭白二渠引涇水溉田數萬頃至元猶  
溉八千頃其後渠日淺利因以廢宣德初遣官修鑿畝  
收四三石無何復塞渠旁之田遇旱爲赤地涇陽醴泉  
三原高陵皆患苦之昨請於涇水上源龍潭左側疏濬  
訖舊渠口尋以詔例停止今宜畢其役西安城西井泉  
鹹苦飲者輒病龍首渠引水七十里修築不易且利止  
及城東西南皂河去城一舍許可鑿令引水與龍首渠  
會則居民盡利邳州知州孟璫言榆行諸社俱臨沂河  
久兩岸崩二十八處低田田無與修築並從之成化  
二年修壽州安豐塘四年疏石州城河六年修平湖周

家涇及獨山海塘七年潮決錢塘江岸及山陰會稽蕭  
山上虞乍浦歷海二所錢清諸場命侍郎李顥修築八  
年堤襄陽決岸十年廷臣會議江浦北城圩古溝北通  
滁河浦子口城東黑水泉古溝南入大江二溝相望岡  
壠中截宜鑿通成河旱引澇洩從之十一年濬杭州錢  
塘門故渠左屬湧金門建橋閘以蓄湖水巡撫都御史  
牟俸言山東小清河上接濟南趵突諸泉下通樂安沿  
海高家港鹽場大清河上接東平坎河諸泉下通濱州  
海豐利津沿海富國鹽場淤塞苦盤剝雨水又患滄沒  
勸農參政唐濬濬河造閘請令兼治水利詔可十二年

明史卷之八十八  
志  
巡按御史許進言河西十五衛東起莊浪西抵肅州縣  
亘幾二千里所資水利多奪於勢豪宜設官專理詔屯  
田僉事兼之十四年俸言直隸蘇松與浙西各府頻年  
旱澇緣周環太湖乃東南最窪地而蘇松尤最下之衝  
故每逢積雨衆水奔潰湖泖漲漫滄沒無際按太湖卽  
古震澤上納嘉湖宣歙諸州之水下通婁東吳淞三江  
之流東江今不復見婁淞入海故跡具存其地勢與常  
熟福山白茆二塘俱能導太湖入江海使民無墊溺而  
土可耕種歷代開濬具有成法本朝亦常命官修治不  
得其要而濱湖豪家盡將淤灘栽蒔爲利治水官不悉

利害率於泄處置石梁壅土爲道或慮盜船往來則釘  
木爲柵以致水道堙塞公私交病請擇大臣深知水利  
者專理之設提督水利分司一員隨時修理則水勢疏  
通東南厚利也帝卽令俸兼領水利聽所濬築功成乃  
專設分司十五年修南京內外河道十八年濬雲南東  
西二溝自松華壩黑龍潭抵西南柳壩南村灌田數萬  
頃修居庸關水關城券及隘口水門四十九樓舖墩臺  
百二二十年修嘉興等六府海田堤岸特選京堂官往  
督之二十二年濬南京中下二新河弘治三年從巡撫  
都御史邱鼐言設官專領灌縣都江堰六年敕撫民參

政朱瑄濬河南伊洛彰德高平萬金懷慶廣濟南陽召  
公等渠汝寧桃陂等堰七年濬南京天潮二河備軍衛  
屯田水利七月命侍郎徐貫與都御史何鑑經理浙西  
水利明年四月告成貫初奉命奏以主事祝萃自隨萃  
乘小舟究悉源委貫乃令蘇州通判張旻疏各河港水  
緒之大壩旋開白茆港沙面乘潮退決大壩水衝激之  
沙泥刷盡潮水蕩激日益濶深水達海無阻又令浙江  
參政周李麟修嘉興舊堤三十餘里易之以石增繕湖  
州長興堤岸七十餘里貫乃上言東南財賦所出而水  
患爲多永樂初命夏原吉疏濬時以吳淞江濼沙浮蕩

未克施工迨今九十餘年港浦愈塞臣督官行視濬吳  
江長橋導太湖散入澱山陽等湖復開吳淞  
江並大石趙屯等浦洩澱山湖水由吳淞江以達於海  
開白茆港白魚洪鮎魚口洩昆承湖水由白茆港以注  
於江開斜堰七舖鹽鐵等塘洩陽城湖水由七子港以  
達於海下流疏通不復壅塞乃開湖州之澂涇洩西湖  
天目安吉諸山之水自西南入於太湖開常州之百瀆  
洩溧陽鎮江練湖之水自西北入於太湖又開諸陡門  
洩漕河之水由江陰以入於大江上流亦通不復堙滯  
是役也修濬河港涇瀆湖塘陡門堤岸百十五道役夫

二十餘萬祝萃之功多焉巡撫都御史王珣言寧夏古渠三道東漢中唐並通惟西一渠傍山長三百餘里廣二十餘丈兩岸危峻漢唐舊跡俱堙宜發卒濬鑿引水下流卽以土築東岸建營堡屯兵以遏寇衝請帑銀三萬兩并靈州六年鹽課以給其費又請於靈州金積山河口開渠灌田給軍民佃種並從之十八年修築常熟塘壩自尚湖口抵江及黃泗等浦新莊等沙三十餘處濬杭州西湖正德七年修廣平滄陽河口堤岸十四年濬南京新江口右河十五年御史成英言應天等衛屯田在江北滄和六合者地勢低屢爲水敗從金城港抵

濁河達烏江三十餘里因舊跡濬之則水勢洩而屯田利詔可嘉靖元年築濬東鹿肥鄉獻魏堤渠初蘇松水道盡爲勢家所據巡撫李允嗣畫水爲井地示開鑿法戶占一區計工刻日造濬川爬用巨筏數百曳木齒隨潮進退擊汰泥沙置小艇百餘尾鐵帚以導之濬故道穿新渠巨浦支流罔不灌注帝嘉其勞賚以銀幣二年修德勝門東朝陽門北城垣河道築儀真江都官塘五區十年工部郎中陸時雍言良鄉盧溝河涿州琉璃胡良二河新城雄縣白溝河河間沙河青縣滹沱河下流皆淤宜以時濬使達於海詔巡撫議之十一年太僕卿

何棟勘畿封河患有二一論滹沱河其一言真定鴨沙  
磁三河俱發源五臺會諸支水抵唐河藺家圈合流入  
河間東南經任邱霸州天津入海此故道也河間東南  
高東北下故水決藺家口而肅寧新安皆罹其害宜築  
決口濬故道涿州胡良河自拒馬分流至州東入渾河  
良鄉琉璃河發源磁家務潛入地中至良鄉東入渾河  
比者渾河壅塞二河不流然下流淤沙僅四五里請亟  
濬之部覆允行郎中徐元祉受命振災上言河本以洩  
水今反下壅淀本以瀦水今反上溢故畿輔常苦水順  
天利害相半真定利多於害保定害多於利河間全受

其害弘正間嘗築長堤排決口旋即潰敗今惟疏濬可  
施其策凡六一濬本河俾河身寬濶九河自山西來者  
南合滹沱而不侵真定諸郡北合白溝而不侵保定諸  
郡此第一義也一濬支河令九河之流經大清河從紫  
城口入經文都村從涅槃口入經白洋淀從藺家口入  
經章哥窪從楊村河入直遂以納細流水力分矣一濬  
決河九河安流時本支二河可受遇漲則岸口四衝宜  
每衝量存一口復濬令合成一渠以殺湍急備淫溢一  
濬淀河令淀淀相通達於本支二河使下有所洩一濬  
淤河九河東逝悉由故道高者下下者通占據曲防者

抵罪一濬下河九河一出青縣一出丁字沽二流相匝於苑家口故施工必自苑家口始漸有成效然後次第舉行庶減諸郡水害帝嘉納之明年香河郭家莊自開新河一道長百七十丈濶五十丈近舊河十里餘詔河官亟繕治十三年巡撫都御史周金言蘭家園決口塞之則東溢病河閒不塞則東流漸淤病保定宜存決口而濬廣新河使水東北平流無壅涸患從之二十四年濬南京後湖初胡體乾按吳以松江泛溢進六策曰開川曰濬湖曰殺上流之勢曰決下流之壑曰排潮漲之沙曰立治田之規是年呂光洵按吳復奏蘇松水利五

事一口廣疏濬以備潴洩三吳澤國西南受太湖諸澤水勢尤卑東北際海岡隴之地視西南特高高苦旱卑苦澇昔人於下流疏爲塘浦導諸湖水北入江東入海又引江湖流衍於岡隴外潴洩有法水旱無患比來縱浦橫塘多堙不治惟黃浦劉河二江頗通然太湖之源多勢盛二江不足以洩之岡隴支河又多壅絕無以資灌溉於是高下俱病歲常告災宜先度要害於澱山等茭蘆地導太湖水散入陽城昆承三泖等湖又開吳淞江及大石趙屯等浦洩澱山之水以達於海濬白茆鮎魚諸口洩昆承之水以注於江開七浦鹽鐵等塘洩

陽城之水以達於江又導田間之水悉入小浦以納大浦使流者皆有所歸緒者皆有所洩則下流之地治而澇無所憂矣乃濬艾祁通波以溉青浦濬顧浦吳塘以溉嘉定濬大瓦等浦以溉崑山之東濬許浦等塘以溉常熟之北濬臧村等港以溉金壇濬澡港等河以溉武進凡隴岡支河堙塞不治者皆濬之深廣使復其舊則上流之地亦治而旱無所憂矣此三吳水利之經也一日修圩岸以固橫流蘇松常鎮東南下流而蘇松又常鎮下流易瀦難洩雖導河濬浦引注江海而秋霖泛漲風濤相薄則河浦之水逆行田間衝齧爲患宋轉運使

王純臣嘗令蘇湖作田塍禦水民甚便之司農丞邾宣亦云治河以治田爲本故老皆云前二三十年民間足食因餘力治圩岸田益完美近皆空乏無暇修繕故田圩漸壞歲多水災合敕所在官司專治圩岸岸高則田自固雖有霖澇不能爲害且足制諸湖之水咸歸河浦中則不待決洩自然湍流而岡隴之地亦因江水稍高又得畝引以資灌溉不特利於低田而已一日復板閘以防淤澱河浦之水皆自平原流入江海水慢潮急以故沙隨浪湧其勢易淤昔人權其便宜去江海十里許夾流爲閘隨潮啟閉以禦淤沙歲旱則長閉以蓄其流

歲澇則長啟以宣其溢所謂置閘有三利蓋謂此也近  
多堙塞惟常熟福山閘尚存故老以爲河浦入海之地  
誠皆置閘自可歷久不壅一曰量緩急以處工費一曰  
重委任以責成功詔悉如議光洵因請專委巡撫歐陽  
必進從之二十六年給事中陳斐請仿江南水田法閘  
江北溝洫以祛水患益歲收報可二十八年總督尚書  
楊博請開宣大荒田水利從之巡撫都御史翁大立言  
東吳水利自震澤濬源以注江三江導流以入海而蘇  
州三十六浦松江八匯毘陵十四瀆共以節宣旱澇近  
因倭寇衝突以港之交率多釘柵築堤以爲捍禦因致

水流停滯淤滓日積渠道之間仰高成阜且具區湖瀦  
竝水而居者雜蒔菱蘆積泥成蕩民間又多自起圩岸  
上流日微水勢日殺黃浦婁江之水又爲舟師所居下  
流亦淤海潮無力水利難興民田漸饒宜於吳淞白茆  
七浦等處造成石閘啟閉以時挑鎮江常州濬河深廣  
使輸輓無阻公私之利也詔可四十二年給事中張憲  
臣言蘇松常嘉湖五郡水患叠見請濬支河通潮水築  
圩岸禦湍流其白茆港劉家河七浦楊林及凡河渠河  
蕩壅淤沮洳者悉宜疏導帝以江南久苦倭患民不宜  
重勞令酌濬支河而已四十五年參政凌雲翼請專設



御史督蘇松水利詔巡鹽御史兼之隆慶三年開湖廣竹筒河以洩漢江巡撫都御史海瑞疏吳淞江下流上海淤地萬四千丈有奇江面舊三十丈增開十五丈自黃渡至宋家橋長八十里明年春瑞言三吳入海之道南止吳淞北止白茆中止劉河劉河通達無滯吳淞方在挑疏土人請開白茆計濬五千餘丈役夫百六十四萬餘又言吳淞役垂竣惟東西二壩未開父老皆言崑山夏駕口吳江長橋長洲寶帶橋吳縣胥口及凡可通流下吳淞者逐一挑畢方可開壩竝從之是年築海鹽海塘越四年從巡撫侍郎徐枋議復開海鹽秦駐山南

至澈浦舊河萬曆二十一年築荊州采穴承天泗港謝家灣諸決堤口復築荊岳等府及松滋諸縣老垸堤四年巡撫都御史宋儀望言三吳水勢東南自嘉秀沿海而北皆趨松江循黃浦入海西北自常鎮沿江而東皆趨江陰常熟其中太湖鱸蓄匯爲巨浸流注龐山瀆墅澱山三泖陽城諸湖乃開浦引湖北經常熟七浦白茆諸港入於江東北經崑山太倉穿劉家河東南通吳淞江黃浦各入於海諸水聯絡四面環護中如仰孟杭嘉湖常鎮勢繞四隅蘇州居中松江爲諸水所受最居下乞專設水利僉事以裨國計部議遣御史董之六年巡撫都

御史胡執禮請先濬吳淞江長橋黃浦先是巡按御史林應訓言蘇松水利在開吳淞江中段以通入海之勢太湖入海其道有三東北由劉河即古婁江故道東南由大黃浦即古東江遺意其中爲吳淞江經崑山嘉定青浦上海乃太湖正脈今劉河黃浦皆通而中江獨塞者蓋江流與海潮遇海潮渾濁賴江水迅滌之劉河獨受巴陽諸湖又有新洋江夏駕浦從旁以注大黃浦總會杭嘉之水又有澱山泖蕩從上而灌是以流皆清駛足以敵潮不能淤也惟吳淞江源出長橋石塘下經雁山九里二湖而入今長橋石塘已埋雁山九里復爲灘

漲其來已微又有新洋江夏駕浦掣其水以入劉河勢乃益弱不能勝海潮洶湧之勢而滌濁渾之流日積月累淤塞僅留一綫水失故道時致淫濫支河小港亦復壅滯舊熟之田半成荒畝前都御史海瑞力破羣議挑自上海江口宋家橋至嘉定艾祁八十里幸尚通流自艾祁至崑山慢水港六十餘里則俱漲灘急宜開濬計淺九千五百餘丈濶二十丈此江一開太湖直入於海濱江諸渠得以引流灌田青浦積荒之區俱可開墾成熟矣竝從之至是工成應訓又言吳江縣治居太湖正東湖水由此下吳淞達海宋時運道所經畏風阻險乃

建長橋石塘以通牽挽長橋百三十丈爲洞六十有二  
石塘小則有竇大則有橋內外浦涇縱橫貫穿皆爲洩  
水計也石塘涇竇半淤長橋內外俱圯僅一二洞門通  
水若不疏濬雖開吳淞下流終無益也宜開龐山湖口  
由長橋抵吳家港則湖有所洩江有所歸源盛流長爲  
利大矣松江大黃浦西南受杭嘉之水西北受澱泖諸  
蕩之水總會於浦而秀州塘山涇港諸處實黃浦來源  
也澱山湖入黃浦道漸多淤淺宜爲疏濬而自黃浦橫  
滂泖涇經秀州塘入南泖至山涇港等處百四千餘丈  
待濬尤急他如蘇之茜涇楊林白茆七浦諸港松之蒲

匯官紹諸塘常鎮之澡港九曲諸河併宜設法開導次  
第修舉八年又言蘇松諸郡幹河支港凡數百大則洩  
水入海次則通湖達江小則引流灌田今吳淞江白茆  
塘秀州塘蒲匯塘孟瀆河舜河青陽港俱已告成支河  
數十宜盡開濬俱從其請久之用儀望議特設蘇松水  
利副使以許應達領之乃濬吳淞八十餘里築塘九十  
餘處開新河百二十三道濬內河百三十九道築上海  
李家洪老鴉嘴海岸十八里發帑金二十萬應達以其  
半訖工三十七八年間霖雨浸溢水患日熾越數年給  
事中歸子顧言宋時吳淞江濶九里元末淤塞正統間

周忱立表江心疏而濬之崔恭徐貫李充嗣海瑞相繼濬者凡五迄今四十餘年廢而不講宜使江濶水駛塘浦支河分流四達疏入留中巡按御史薛貞復請行之下部議而未行至天啟中巡撫都御史周起元復請濬吳淞白茆崇禎初員外郎蔡懋德巡撫都御史李待問皆以爲請久之巡撫都御史張國維請疏吳江長橋七十二墩及九里石塘諸洞御史李謨復請濬吳淞白茆俱下部議未能行也十年增築雄縣橫堤八里禦滹沱暴漲十三年以尚寶少卿徐貞明兼御史領墾田使貞明爲給事中嘗請興西北水利如南人圩田之制引水

成田工部覆議畿輔諸郡邑以上流十五河之水洩於貓兒一灣海口又極東隘故所在橫流必多開支河挑濬海口而後水勢可平疏濬可施然後大費繁而今以民勞財匱方務省事請罷其議乃已後貞明謫官著潞水客譚一書論水利當興者十四條時巡撫張國彥副使顧養謙方開水利於薊永有效於是給事中王敬民薦貞明特召還賜敕勘水利貞明乃先治京東州邑如密雲燕樂莊平谷水峪寺龍家務莊三河塘會莊順慶屯地薊州城北黃崖營城西白馬泉鎮國莊城東馬伸橋夾林河而下別山舖夾陰流河而下至於陰流遵化

平安城夾運河而下沙河鋪西城南鐵廠湧珠湖以下  
韭菜溝上素河下素河百餘里豐潤之南則大寨刺榆  
坨史家河大王莊東則榛子鎮西則鴉紅橋夾河五十  
餘里玉田青莊塢後湖莊三里屯及大泉小泉至於瀕  
海之地自水道沽關黑巖子墩至開平衛南宋家營東  
西百餘里南北百八十里墾田三萬九千餘畝至真定  
將治滹沱近頃地御史王之棟言滹沱非人力可治徒  
耗財擾民帝入其言欲罪諸建議者申時行言墾田興  
利謂之害民議甚舛顧爲此說者其故有二北方民游  
惰好閑憚於力作水田有耕耨之勞胼胝之苦不便一

也貴勢有力家侵占甚多不待耕作坐收蘆葦薪芻之  
利若開墾成田歸於業戶隸於有司則已利盡失不便  
二也然以國家大計較之不便者小而便者大惟在斟酌  
地勢體察人情沙灘不必盡開黍麥無煩改作應用  
夫役必官募之不拂民情不失地利乃謀國長策耳於  
是貞明得無罪而水田事終罷巡撫都御史梁問孟築  
橫城堡邊墻慮寧夏有黃河患請堤西岔河障水東流  
從之十九年尚寶丞周弘禴言寧夏河東有漢秦二壩  
請依河西漢唐壩築以石於渠外疏大渠一道北達鴛  
鴦諸湖詔可二十三年黃淮漲溢淮揚昏墊議者多請

明史卷一百一十八  
志  
開高家堰以分淮寶應知縣陳燧爲御史慮高堰旣開  
害民產鹽場請自興鹽迤東疏白塗河石碓口廖家港  
爲數河分門出海然後從下而上濬清水子嬰二溝且  
多開瓜儀開口以洩水給事中祝世祿亦言議者欲放  
淮從廣陽射陽二湖入海廣陽濶僅八里射陽僅二十  
三丈名爲湖實河也且離海三百里迂迴淺窄高寶七  
州縣水惟此一線宣洩之又使淮注焉田廬鹽場必無  
幸矣廣陽湖東有大湖方廣六十里湖北口有舊官河  
自官蕩至鹽城石碓口通海僅五十三里此導淮入海  
一便也下部及河漕官議俱格不行旣而總河尚書楊

一魁言黃水倒灌正以海口爲阻分黃工就則石碓口  
廖家港白駒場海口金灣芒稻諸河急宜開刷乃命如  
議行之三十年保定巡撫都御史汪應蛟言易水可溉  
金臺滹水可溉恒山澹水可溉中山滏水可溉襄國漳  
水可溉鄴下而瀛海當衆河下流故號河中視江南澤  
國不異至於山下之泉地中之水所在皆有宜各設壩  
建閘通渠築堤高者自灌下則車汲用南方水田法六  
郡之內得水田數萬頃畿民從此饒永無旱澇之患不  
幸濱河有梗亦可改折於南取糴於北此國家無窮利  
也報可應蛟乃於天津葛沽何家圈雙溝白塘令防海

明史卷六十六  
志  
軍丁屯種人授田四畝共種五千餘畝水稻二千畝收  
多因上言墾地七千頃歲可得穀二百餘萬石此行之  
而效者也是年真定知府郭勉濬大鳴小鳴泉四十餘  
穴溉田千頃邢臺達活野狐二泉流爲牛尾河百泉流  
爲澧河建二十一閘二堤灌田五百餘頃天啟元年御  
史左光斗用應蛟策復天津屯田令通判盧觀象管理  
屯田水利明年巡按御史張慎言言自枝河而西靜海  
興濟之間萬頃沃壤河之東尚有鹽水沽等處爲膏腴  
之田惜皆蕪廢今觀象開寇家口以南田三千餘畝溝  
洫蘆塘之法種植疏濬之方皆具而有法人何憚而不

爲大抵開種之法有五一官種謂牛種器具耕作雇募  
皆出於官而官亦盡收其田之入也一個種謂民願墾  
而無力其牛種器具仰給於官待納稼之時官十而取  
其四也一民種佃之有力者自認開墾若干迨開荒旣  
熟較數歲之中以爲常十一而取是也一軍種卽令海  
防營軍種葛沽之田人耕四畝收二石緣有行月糧故  
收租重也一屯種祖宗衛軍有屯田或五十畝或百畝  
軍爲屯種者歲入十七於官卽以所入爲官軍歲支之  
用國初兵農之善制也四法已行惟屯種則今日兵與  
軍分而屯僅存其名當選各衛之屯餘墾津門之沃土

明史卷八十九  
如官種法行之章下所司命太僕卿董應舉管天津至  
山海屯田規畫數年開田十八萬畝積穀無算崇禎二  
年兵部侍郎申用懋言永平灤河諸水逶迤寬衍可疏  
渠以防旱潦山坡隙地便栽種宜令有司相地察源為  
民興利從之

明史卷八十八終

明史卷八十九

志第六十五

敕修

兵一

明以武功定天下革元舊制自京師達於郡縣皆立衛  
所外統之都司內統於五軍都督府而上十二衛為天  
子親軍者不與焉征伐則命將充總兵官調衛所軍領  
之既旋則將上所佩印官軍各回衛所蓋得唐府兵遺  
意文皇北遷一遵太祖之制然內臣觀兵履霜伊始洪  
宣以後狃於治平故未久而遂有土木之難于謙創立

總裁官總理事務 總纂官少保兼太子太傅和殿大學士兼管軍部尚書加六級張廷玉等奉

敕修 大清一曰正軍一曰二軍一曰三軍一曰四軍一曰五軍一曰六軍一曰七軍一曰八軍一曰九軍一曰十軍



團營簡精銳一號令兵將相習其法頗善憲孝武世四朝營制屢更而威益不振衛所之兵疲於番上京師之旅困於占役馴至末造尺籍久虛行伍衰耗流盜蜂起海內土崩宦豎降於關門禁軍潰於城下而國遂以亡矣今取其一代規制之詳及有關於軍政者著於篇

### 京營

侍衛上直軍

皇城守衛  
京城巡捕

### 四衛營

京軍三大營一曰五軍一曰三千一曰神機其制皆備於永樂時初太祖建統軍元帥府統諸路武勇尋改大都督府以兄子文正為大都督節制中外諸軍京城內

外置大小二場分教四十八衛卒已又分前後中左右五軍都督府洪武四年士卒之數二十萬七千八百有奇成祖增京衛為七十二又分步騎軍為中軍左右掖左右哨亦謂之五軍歲調中都山東河南大寧兵番上京師隸之設提督內臣一武臣二掌號頭官二大營坐營官一把總二中營坐營官一馬步隊把總各一左右掖哨官如之又有十二營掌隨駕馬隊官軍設把總二又有圍子手營掌操練上直又刀手及京衛步隊官軍設坐營官一統四司以一二三四為號把總各二又有幼官舍人營掌操練京衛幼官及應襲舍人坐營官丁

四司把總各一此五軍營之部分也。已得邊外降丁二千立營分五司。一掌執大駕龍旗寶纛勇字旗，負御寶及兵仗局什物。上直官軍一掌執左右二十隊勇字旗。大駕旗纛金鼓。上直官軍一掌傳令營旗牌御用監。甲尚冠尚衣尚履什物。上直官軍一掌執大駕勇字旗。五軍紅盔貼直軍。上直官軍一掌殺虎手馬轎及前哨馬營。上直明甲官軍隨侍營。隨侍東宮官舍遼東備禦。回還官軍提督內臣二。武臣三。掌號頭官二。坐司官五。見操把總三十四。上直把總十六。明甲把總四。此三千營之部分也。已征交阻得火器法立營肄習提督內臣

武臣掌號頭官皆視三千營亦分爲五軍。中軍坐營內臣一。武臣一。其下四司各監鎗內臣一把。司官一把。總官二。左右掖哨皆如之。又因得都督譚廣馬五千匹置營各五千。下掌操演火器及隨駕護衛馬隊官軍坐營內臣武臣各一。其下四司各把司官二。此神機營之分部也。居常五軍肄營陣三千。肄巡哨神機肄火器大駕征行則大營居中五軍分駐步內騎外騎外爲神機神機外爲長圍周二十里。樵採其中三大營之制如此。洪熙時始命武臣一人總理營政。宣德五年以成國公朱勇言選京衛卒隸五軍訓練。明年命科道及錦衣官覈

諸衛軍數帝之征高煦及破兀良哈皆以京營取勝焉  
正統二年復因勇言令錦衣等衛守陵衛卒存其半其  
上直旗校隸錦衣督操餘悉歸三大營土木之難京軍  
沒幾盡景帝用于謙爲兵部尚書謙以三大營各爲教  
令臨期調撥兵將不相習乃請於諸營選勝兵十萬分  
十營團練每營都督一號頭官一都指揮二把總十領  
隊一百管隊二百於三營提督中推一人充總兵官監  
以內臣兵部尚書或都御史一人爲提督其餘軍歸本  
營曰老家京軍之制一變英宗復辟謙死團營罷憲宗  
立復之增爲十三成化二年復罷命分一等次等訓練

尋選得一等軍十四萬有奇帝以數多令仍分十二營  
團練而區其名有奮耀練顯四武營敢果効鼓四勇營  
立仲揚振四威營命侯十二人掌之各佐以都指揮監  
以內臣提督以勲臣名其軍曰選鋒不住者仍爲老家  
以供役而團營之法又稍變二十年立殫忠効義二營  
練京衛舍人餘丁二營永樂間設後廢至是復設未幾  
以無益罷帝在位久京營特注意然缺伍至七萬五千  
有奇大率爲權貴所隱占又用汪直總督團營禁旅專  
掌於內臣自帝始也孝宗卽位乃命都御史馬文升爲  
提督是時營軍久苦工役成化末余子俊嘗言之文升

復力陳不可又請於每營選馬步銳卒二千遇警徵調且遵洪永故事五日一操以二日走陣下營以三日演武從之時尚書劉大夏陳弊端十事復奏減修乾清宮卒內臣謂其不恤大工大學士劉健曰愛惜軍士司馬職也帝納之會戶部主事劉夢陽極論役軍之害并及內臣主兵者以語侵壽寧侯下詔獄遂格不行武宗卽位十二營銳卒僅六萬五百餘人稍弱者二萬五千而已給事中葛嵩請選五軍三千營精銳歸團練而存八萬餘人於營以供役惠安伯張偉謬引舊制以爭事遂已隱占如故竇鐸反太監張永將京軍往討中官權益重及流寇起邊將江彬等得幸請調邊軍入衛於是集九邊突騎家丁數萬人於京師名曰外四家立兩官廳選團營及勇士四衛軍於西官廳操練正德元年所選官軍操於東官廳自是兩官廳軍爲選鋒而十二團營且爲老家矣武宗崩大臣用遺命罷之當是時工作浩繁邊將用事京營戎政益大壞給事中王良佐奉敕選軍按籍三十八萬有奇而存者不及十四萬中選者僅二萬餘世宗立久之從廷臣言設文臣知兵者一人領京營是時額兵十萬七千餘人而存者僅半專理京營兵部尚書李承勛請足十二萬之數部議遵弘治中例

老者補以壯丁逃故者清軍官依期解補從之十五年  
都御史王廷相提督團營條上三弊一軍士多雜派工  
作終歲不得入操雖名團營聽征實與田夫無異二軍  
士替代吏胥需索重賄貧軍不能辦老羸苟且應役而  
精壯子弟不得收練三富軍憚營操征調率賄將弁置  
老家數中貧者雖老疲亦常操練語頗切中既而兩郊  
九廟諸宮殿之工起役軍益多兵部請分番爲二半團  
操半放歸而收其月廩雇役詔行一年自後邊警急團  
營見兵少僅選騎卒三萬仍號東西官廳餘者悉老弱  
仍爲營帥中官私役二十九年俺答入寇兵部尚書丁

汝襲覈營伍不及五六萬人驅出城門皆流涕不敢前  
諸將領亦相顧變色汝襲坐誅大學士嚴嵩乃請振刷  
以圖善後吏部侍郎王邦瑞攝兵部因言國初京營勁  
旅不減七八十萬元戎宿將常不乏人自三大營變爲  
十二團營又變爲兩官廳雖浸不如初然額軍尚三十  
八萬有奇今武備積弛見籍止十四萬餘而操練者不  
過五六萬支糧則有調遣則無比敵騎深入戰守俱稱  
無軍卽見在兵率老弱疲憊市井遊販之徒衣甲器械  
取給臨時此其弊不在逃亡而在占役不在軍士而在  
將領蓋提督坐營號頭把總諸官多世胄執袴平時占

明史卷八十九  
志  
七  
役營軍以空名支餉臨操則肆集市人呼舞博笑而已  
先年尚書王瓊毛伯溫劉天和常有振飭然將領惡  
其害已陰謀阻撓軍士又習於驕惰競倡流言事復中  
止釀害至今乞大振乾綱遣官精核帝是其言命兵部  
議興革於是悉罷團營兩官廳復三大營舊制更三千  
曰神樞罷提督監鎗等內臣設武臣一曰總督京營戎  
政以咸寧侯仇鸞爲之文臣一曰協理京營戎政卽以  
邦瑞充之其下設副叅等官二十六員已又從部議以  
四武營歸五軍營中軍四勇營歸左右哨四威營歸左  
右掖各設坐營官一員爲正兵備城守叅將二員備征

討帝以營制新定告於太廟行之又遣四御史募兵畿  
輔山東山西河南得四萬八分隸神樞神機各設副將  
一而增能戰將六員分領操練大將所統三營之兵居  
常名曰練勇有事更定職名五軍營大將一員統軍一  
萬總主三營副叅遊擊佐擊及坐營等官副將二員各  
統軍七千左右前後叅將四員各六千遊擊四員各三  
千外備兵六萬六千六百六十人神樞營副將二員各  
統軍六千佐擊六員各三千外備兵四萬人神機營亦  
如之已又定三大營官數五軍營一百九十六員神樞  
營二百八員神機營一百八十二員共五百八十六員

在京各衛軍俱分隸三營分之爲三十三營合之爲三大營終帝世其制屢更最後中軍哨掖之名亦罷但稱戰守兵兼立車營故事五軍府皆開府給印主兵籍而不與營操營操官不給印戎政之有府與印自仇鸞始鸞方貴幸言於帝選各邊兵六萬八千人分番入衛與京軍雜練復合京營將領分練邊兵於是邊軍盡隸京師塞上有警邊將不得徵集邊事益壞鸞死乃罷其所置戎政廳首領官之屬而入衛軍則惟罷甘肅者隆慶四年大學士趙貞吉請收將權更營制極言戎政之設府鑄印以數十萬衆統於一人非太祖成祖分府分營

本意請以官軍九萬分五營營擇一將分統訓練詔下廷臣議尚書霍冀言營制世宗熟慮而後定不宜更惟大將不當專設戎政不宜有印請如貞吉言制曰可於是三大營各設總兵一副將二其叅佐等官互有增損各均爲十人而五軍營兵均配二營營十枝屬二副將分統以侯伯充總兵尋改曰提督又用三文臣亦稱提督自設六提督後各持意見遇事旬月不決給事中溫純言其弊乃罷仍設總督協理二臣萬曆二年從給事中歐陽栢請復給戎政印汰坐營官二員五年巡視京營科臣林景暘請廣召募立選鋒是時張居正當國綜

覈名實羣臣多條上兵事大旨在足兵選將營務頗飭  
久之帝厭政廷臣漸爭門戶習於偷惰遂日廢弛三十  
六年尚書李化龍理戎政條上京營積弊敕下部議卒  
無所振作及兵事起總督京營趙世新請改設教場城  
內便演習太常少卿胡來朝請調京軍戍邊可變弱爲  
強皆無濟於用天啟三年協理侍郎朱光祚奏革老家  
軍補以少壯老家怨以瓦礫投光祚遂不果革是時魏  
忠賢用事立內操又增內臣爲監視及把牌諸小內監  
益募健丁諸營軍多附之莊烈帝卽位撤內臣已而復  
用戎政侍郎李邦華憤京營弊壞請汰老弱虛冒而擇

材力者爲天子親軍營卒素驕有疑其爲變者勲戚中  
官亦惡邦華害已蜚語日聞帝爲罷邦華代以陸完學  
盡更其法京營自監督外總理捕務者二員提督禁門  
巡視點軍者三員帝皆以御馬監司禮文書房內臣爲  
之於是營務盡領於中官矣十年八月軍駕閱城鎧甲  
旌旗甚盛羣臣悉鸞帶策馬從六軍望見乘輿皆呼萬  
歲帝大悅召完學入御幄獎勞酌以金卮然徒爲容觀  
而已時兵事益亟帝命京軍出防勦皆監以中官廩給  
優渥挾勢而驕多奪人俘獲以爲功輕折辱諸將士將  
士益解體周延儒再入閣勸罷內操撤諸監軍京兵班



師還時營將率內臣私人不知兵兵惟注名支糧買替  
紛紜朝甲暮乙雖有尺籍莫得而識也帝屢旨訓練然  
日不過二三百人未昏遂散營兵十萬倖抽驗不及玩  
愒佚罰者無算帝嘗問戎政侍郎王家彥家彥曰今日  
惟嚴買替之禁改操練之法庶可救萬一然勢已晚帝  
不懌而罷十六年襄城伯李國禎總戎政內臣王承恩  
監督京營明年流賊入居庸關至沙河京軍出禦聞礮  
聲潰而歸賊長驅犯闕守陴者僅內操之三千人京師  
遂陷大率京軍積弱由於占役買閒其弊實起於統禡  
之營帥監視之中官竟以亡國云京營之在南者永樂

北遷始命中府掌府事官守備南京節制在南諸衛所  
洪熙初以內臣同守備宣德末設叅贊機務官景泰間  
增協同守備官成化末命南京兵部尚書叅贊機務視  
五部特重先是京師立神機營南京亦增設與大小二  
教場同練軍士常操不息風雨方免有逃籍者憲宗命  
南給事御史時至二場黜閱成國公朱儀及太監安寧  
不便詭言軍機密務御史詰問名數非宜帝爲罪御史  
仍令守備叅贊官閱視著爲令嘉靖中言者數奏南營  
耗亡之弊三十四年冬詔立振武營簡諸營銳卒充之  
益以淮揚趨捷者江北舊有池河營專城守護陵寢二

營兵各三千領以勲臣別設場訓練然振武營卒多無賴子督儲侍郎黃懋官抑削之遂譁毆懋官至死詔誅首惡以戶部尚書江東爲叅贊東多所寬假衆益驕無復法紀給事中魏元吉以爲言因舉浙直副總兵劉顯往提督未至池河兵再變毆千戶吳欽詔顯亟往許以州兵五百自隨事始定隆慶改元罷振武營以其卒千餘仍隸二場及神機營萬曆十一年叅贊尚書潘季馴言操軍原額十有二萬今僅二萬餘祖軍與選充叅半選充例不補營伍由是虛請如祖軍收補已而王璘代季馴言大小二場新舊官軍二萬三千有餘請如北京

各邊三千一百二十人爲一枝每枝分中左右哨得兵七枝餘置旗鼓下備各營缺從之巡視科臣阮子孝極論南營耗弊言頗切中然卒無振飭之者已從尚書吳文華請增叅贊旗牌得以軍法從事兼聽便宜調遣三十一年添設南中軍標營選大教場卒千餘設中軍叅將統練規制雖具而時徃苟安闕葺一如北京及崇禎中流寇陷廬鳳踞上流有窺留都意南中將士日夜惴惴以護陵寢守京城爲名倖賊不東下而已最後史可法爲叅贊尚書思振積弊未久而失蓋無可言焉侍衛上直軍之制太祖卽吳王位其年十二月設拱衛

司領校尉隸都督府洪武二年改親軍都尉府統中左右前後五衛軍而儀鑾司隸焉五年造守衛金牌銅塗金爲之長一尺闊三寸以仁義禮智信爲號二面俱篆文一曰守備一曰隨駕掌於尚寶司衛士佩以上直下直納之十五年罷府及司置錦衣衛所屬有南北鎮撫司十四所所隸有將軍力士校尉掌直駕侍衛巡察緝捕已又擇公侯伯都督指揮之嫡次子置勳衛散騎舍人而府軍前衛及旗手等十二衛各有帶刀官錦衣所隸將軍初名天武後改稱大漢將軍凡千五百人設千百戶總旗七員其衆自爲一軍下直操練如制缺至五

十人方補月精一石積勞試補千百戶亡者許以親子弟魁梧材勇者代無則選民戶充之永樂中置五軍三千營增紅盔明甲一二將軍及叉刀圍子手之屬備宿衛校尉力士僉民間丁壯無惡疾過犯者力士先隸旗手衛後改隸錦衣及騰驤四衛專領隨駕金鼓旗幟及守衛四門校尉原隸儀鑾司司改錦衣衛仍隸焉掌擎執鹵簿儀仗曰鑾輿曰擎蓋曰扇手曰旌節曰幡幢曰班劍曰斧鉞曰戈戟曰弓矢曰駟馬凡十司及駕前宣召差遣三日一更直設總旗小旗而領以勳戚官官凡六管大漢將軍及散騎舍人府軍前衛帶刀官者一管五

軍營義刀圍子手者一管神樞營紅盔將軍者四聖節  
正旦冬至及大祀誓戒冊封遣祭傳制用全直直三千  
人餘則更番器仗衣服位列亦稍殊焉凡郊祀經筵巡  
幸侍從各有定制詳禮志申居常當直將軍朝夕分候  
午門外夜則司更共百人而五軍義刀官軍悉於皇城  
直宿掌侍衛官輪直日一員惟掌錦衣衛將軍及義刀  
手者每日侍尤嚴收捕之令及諸脫更離直者共計錦  
衣衛大漢將軍一千五百七人府軍前衛帶刀官四十  
神樞營紅盔將軍二千五百把總指揮十六明甲將軍  
五百一把總指揮三大漢將軍八五軍營義刀圍子手

三千把總指揮八勳衛散騎舍人無定員旗手等衛帶  
刀官一百八十此侍衛親軍大較也正統後妃主公侯  
中貴子弟授官者多寄祿錦衣中正德時奏帶傳陞冒  
銜者又不下數百人武宗好養勇士嘗以千把總四十  
七人注錦衣衛帶俸舍餘千一百人充御馬監家將勇  
士食糧騎操又令大漢將軍試百戶五年實授著爲令  
倖竇開而恩澤濫宿衛稍輕矣至萬曆間衛士多占役  
買閒其弊亦與三大營等雖定離直者奪月糈之例然  
不能革太祖之設錦衣也專司鹵簿是時方用重刑有  
罪者往往下錦衣衛鞠實本衛叅刑獄自此始文皇入

立倚錦衣爲心腹所屬南北兩鎮撫司南理本衛刑名及軍匠而北專治詔獄凡問刑奏請皆自達不關白衛帥用法深刻爲禍甚烈詳刑法志又錦衣緝民間情僞以印官奉敕領官校東廠太監緝事別領官校亦從本衛撥給因是恒與中官相表裏皇城守衛用二十二衛卒不獨錦衣軍而門禁亦上直中軍京城巡捕有專官然每令錦衣官協同地親權要遂終明之世云初太祖取婺州選富民子弟充宿衛以御車軍已置帳前總制親兵都指揮使後復省置都鎮撫司隸都督府總牙兵巡徼而金吾前後羽林左右虎賁左右府軍左右前後

十衛以時番上號親軍有請得自行部不關都督府及定天下改都鎮撫司爲留守設左右前後中五衛關領內府銅符日遣二人點閱夜亦如之所謂皇城守衛官軍也二十七年申定皇城門禁約旦朝參門始啟直日都督將軍及帶刀指揮千百戶鎮撫舍人入後百官始以次入上直軍三日一更番內臣出入必合符嚴索以金幣出者驗視勘合以兵器雜藥入門者禽治失察者重罪之民有事陳奏不許固遏帝念衛士勞苦令家有婚喪疾病產子諸不得已事得自言情家無餘丁父母俱病者許假侍養愈乃復先是新宮成詔中書省曰軍

士戰鬪傷殘難備行伍可於宮墻外造舍以居之晝則治生夜則巡警其後定十三衛隨駕軍士直者入給錢三百二十八年復於四門置舍使恩軍爲衛士執爨恩軍者得罪免死及諸降卒也永樂中定制諸衛各有分地自午門達承天門左右逮長安左右門至皇城東西屬旗手濟陽濟川府軍及虎賁右金吾前燕山前羽林前八衛東華門左右至東安門左右屬金吾羽林府軍燕山四左衛西華門左右至西安門左右屬四右衛元武門左右至北安門左右屬金吾府軍後及通州大興四衛衛有銅符頒自太祖曰承曰東曰西曰北各以其

門名也巡者左半守者右半守官遇巡官至合契而從事各門守衛官夜各領銅令申字牌巡警自一至十六內皇城衛舍四十外皇城衛舍七十二俱設銅鐸次第循環內皇城左右坐更將軍百每更二十人四門支更官八交互往來鈴印干籍以爲驗都督及帶刀千百戶日各一人領申字牌直宿及點各門軍士後更定都督府改命侯伯僉書焉洪熙初更造衛士懸牌時覩軍缺伍衛士不獲代帝命選他衛軍守端直諸門尚書李慶謂不可帝曰人主在布德以屬人心苟心相屬雖非親幸何患焉宣德二年命御史點閱衛卒天順中復增給

事巾一人成化十年尚書馬文升言太祖置親軍指揮使司不隸五府文皇帝復設親軍十二衛又增勇士數千員屬御馬監上直而以腹心臣領之比之日廢弛勇士與諸營無異皇城之內兵衛無幾諸監卒尤疲羸至不任受甲宜敕御馬監官卽見軍選紳仍敕守衛官常嚴步伍譏察出入以防微銷萌帝然其言亦未能有所整飭正德初嚴皇城紅舖巡徼日令留守衛指揮五員督內外夜巡軍而兵部郎中主事各一人同御史錦本衛稽閱毋攝他務嘉靖七年增直宿官軍衣糧五年一給萬曆十一年於皇城內外設把總三員分東西管

理時門禁益弛衛軍役於中官每至空伍貨市兒行丐應點閱叉刀紅盔日出始一人直直虛無人坐更將軍皆納月鏹於所轄凡提號巡城印簿走更諸事悉廢十五年再申門禁久之給事中吳文煒乞盡復舊制不報末年有失金牌久之始覺者槌擊之事張差一妄男子得闖入殿廷其積弛可知是後中外多事故禎兩朝雖屢申飭竟莫能挽侵尋以至於亡京城巡捕之職洪武初置兵馬司譏察奸僞夜發巡牌旗士領之覈城門扃鑰及夜行者已改命衛所鎮撫官而掌於中軍都督府永樂中增置五城兵馬司宣德初京師多盜增官軍

百人協五城逐捕已復增夜巡候卒五百成化中始命錦衣官同御史督之末年撥給團營軍二百弘治元年令三千營選指揮以下四員領精騎巡京城外又令錦衣官五旗手等衛官各一分地巡警巡軍給牌五年設把總都指揮專職巡捕正德中添設把總分畫京城外地南抵海子北抵居庸關西抵蘆溝橋東抵通州復增城內二員而益以團營軍定官卒賞罰例末年羅卒增至四千人特置叅將嘉靖元年復增城外把總一員并舊爲五分轄城內東西三路城外西南東南東北三路增營兵爲五千又十選一立尖哨五百騎厚其月糈命

叅將督操而監以兵部郎是時京軍弊壞積久捕營亦然三十四年軍士僅二百餘以給事中邱岳等言削指揮樊經職而禁以軍馬私役騎乘萬曆十二年從兵部議京城內外盜發自卯至申責兵馬司自酉至寅責巡捕官賊衆則協力捕勦是後軍額倍增駕出及朝審錄囚皆結隊駐巷口籍伍雖具而士馬實凋弊不足用捕營提督一叅將二把總十八巡軍萬一千馬五千匹盜賊縱橫至竊內中器物獲其橦索竟不能得也莊烈帝時又以兵部左侍郎專督然營軍半虛廩馬多雇人騎失盜嚴限止五日玩法卒如故



四衛營者永樂時以迤北逃回軍卒供養馬役給糧授室號曰勇士後多以進馬者充而聽御馬監官提調名隸羽林身不隸也軍卒相冒支糧不可稽宣德六年乃專設羽林三千戶所統之凡三千一百餘人尋改武驤騰驤左右衛稱四衛軍選本衛官四員爲坐營指揮督以太監別營開操稱禁兵器械衣甲異他軍橫於輦下往往爲中官占匿弘治末勇士萬一千七百八十人旗軍三萬一百七十人歲支廩粟五十萬孝宗納廷臣言覈之又令內臣所進勇士必由兵部驗送乃給廩五年籍其人數著爲令省度支金錢歲數十萬武宗卽位中

官甯瑾乞留所汰人數言官及尚書劉大夏持不可不聽後兩官廳設遂選四衛勇士隸西官廳掌以邊將江彬太監張永等世宗入立詔自弘治十八年存額外悉裁之替補必兵部查駁而御馬監馬牛羊令巡視科道覈數旣而中旨免覈馬多虛增後數年御馬太監閔洪復矯旨選四衛官給事中鄭自璧劾其欺蔽不報久之兵部尚書李承勛請以選覈仍隸本部中官謂非便帝從承勛言十六年又命收復登極詔書所裁者凡四千人後五年內臣言勇士僅存五千餘請令子姪充選以備邊警部臣言故額定五千三百三十人八年清稽已

浮其數且此營本非爲備邊設者帝從部議然隱射占  
役冒糧諸弊率如故萬曆二年減坐營官二員已復定  
營官缺由兵部擇用其後復爲中官所撓仍屬御馬監  
廷臣多以爲言不能從四十二年給事中姚宗文點閱  
本營言官勇三千六百四十七僅及其半馬一千四十  
三則無至者官旗七千二百四十止四千六百餘馬亦  
如之乞下法司究治帝不能問天啓末巡視御史高弘  
圖請視三大營例分弓弩短兵火器加以訓練至莊烈  
帝時提督內臣曹化淳奏改爲勇衛營以厚遇言黃得  
功爲帥遂成勁旅出擊賊輒有功得功軍士畫虎頭於

皂布以衣甲賊望見黑虎頭軍多走避其得力出京營  
上云

明史卷八十九終

明史卷九十九  
 太祖下集慶路為吳王罷諸翼統軍元帥置武德龍驤  
 豹韜飛熊威武廣武興武英武鷹揚驍騎神武雄武鳳  
 翔天策振武宣武羽林十七衛親軍指揮使司革諸將  
 襲元舊制樞密平章元帥總管萬戶諸官號而覈其所  
 部兵五千人為指揮千人為千戶百人為百戶五十人

明史卷九十九  
 太祖下集慶路為吳王罷諸翼統軍元帥置武德龍驤

豹韜飛熊威武廣武興武英武鷹揚驍騎神武雄武鳳

翔天策振武宣武羽林十七衛親軍指揮使司革諸將

襲元舊制樞密平章元帥總管萬戶諸官號而覈其所

部兵五千人為指揮千人為千戶百人為百戶五十人

太祖下集慶路為吳王罷諸翼統軍元帥置武德龍驤  
 豹韜飛熊威武廣武興武英武鷹揚驍騎神武雄武鳳  
 翔天策振武宣武羽林十七衛親軍指揮使司革諸將  
 襲元舊制樞密平章元帥總管萬戶諸官號而覈其所  
 部兵五千人為指揮千人為千戶百人為百戶五十人

爲總旗十人爲小旗天下既定度要害地係一郡者設所連郡者設衛大率五千六百人爲衛千一百二十人爲戶所百十有二人爲百戶所所設總旗二小旗十大小聯比以成軍其取兵有從征有歸附有謫發從征者諸將所部兵既定其地因以留戍歸附則勝國及僭僞諸降卒謫發以罪遷隸爲兵者其軍皆世籍此其大畧也洪武三年陞杭州江西燕山青州四衛爲都衛復置河南西安太原武昌四都衛四年造用寶金符及調發走馬符牌用寶符爲小金牌三中書省大都督府各藏其一有詔發兵省府以牌入內府出寶用之走馬符

牌鐵爲之共四十金字銀字者各半藏之內府有急務調發使者佩以行尋改爲金符凡軍機文書自都督府中書省長官外不許擅奏有詔調軍省府同覆奏然後納符請寶五年置親王護衛指揮使司每府二護衛衛設左右中前後五所所千戶二百戶十圍子手所二所千戶一七年申定兵衛之政征調則統於諸將事平則散歸各衛八年改在京留守都衛爲留守衛指揮使司在外都衛爲都指揮使司凡十三北平陝西山西浙江江西山東四川福建湖廣廣東廣西遼東河南又行都指揮使司二甘州大同俱隸大都督府九年選公侯都

督各衛指揮嫡長次子爲散騎參侍舍人隸都督府充宿衛或署各衛所事十三年丞相胡惟庸謀反誅革中書省因改大都督府爲五分統諸軍司衛所明年復置中都留守司及貴州雲南都指揮使司十五年三月頒軍法定律十六年詔各都司上衛所城池水陸地里圖二十年置大寧都指揮使司是年命兵部置軍籍勘合載從軍履歷調補衛所年月在營丁口之數給內外衛所軍士而藏其副於內府三十年定武官役軍之制指揮同知僉事四千戶三百戶鎮撫二皆取正軍三日一番上下直歸伍操練衛所直廳六守門二守監四守庫

一皆任老軍歲一更建文帝嗣位置河北都司湖廣行都司文皇入立皆罷之而陞燕山三護衛爲親軍並建文時所立孝陵衛皆不隸五府後諸陵設衛皆如之移山西行都司所屬諸衛軍於北平設衛七種永樂元年罷北平都司設留守行後軍都督府遷大寧都司於保定明年更定衛所屯守軍士臨邊險要者每多於屯在內平僻或地雖險要而運輸難至者皆屯多於守七年置調軍勘合以勇敢鋒銳神奇精壯強毅克勝英雄威猛十六字編百號制敕調軍及遣將比號同方准行十八年北京建在南諸衛多北調宣德五年從平江伯陳

瑄言以衛官職漕運東南之卒由是困八年減衛軍餘  
丁正軍外每軍留一餘悉遣歸已復以幼軍備操者不  
足三丁至七八丁者選一餘聽治生給軍裝正軍有故  
卽令補伍毋再勾攝當是時都指揮使與布按並稱三  
司爲封疆大吏而專閩重臣文武亦無定職世猶以武  
爲重軍政修飭正德以來軍職冒濫爲世所輕內之部  
科外之監軍督撫疊相彈壓五軍府如贅疣弁帥如走  
卒總兵官領救於兵部皆踞間爲長揖卽謂非體至於  
末季衛所軍士雖一諸生可役使之積輕積弱重以隱  
占虛冒諸弊至舉天下之兵不足以任戰守而明遂亡

矣崇禎三年范景文以兵部侍郎守通州上言祖制邊  
腹內外衛所基置以軍隸衛以屯養軍後失其制軍外  
募民爲兵屯外賦民出餉使如鱗尺籍不能爲衝鋒之  
事并不知帶甲之人陛下百度振刷豈可令有定之軍  
數付之不可問有用之軍糈投之不可知因條上清覈  
數事不果行初洪武二十六年定天下都司衛所共計  
都司十有七留守司一內外衛三百二十九守禦千戶  
所六十五及成祖在位二十餘年多所增改其後措置  
不一今區別其名於左以資考鏡

上十二衛 金吾前衛 金吾後衛 羽林左衛 羽林右衛  
府軍衛 府軍左衛 府軍右衛

府軍前衛 府軍後衛 虎  
貴左衛 錦衣衛 旅手衛

五軍都督府所屬衛所

左軍都督府在京

凡本府在京屬衛會經永樂十八年

調北京不重出後四府同 驍騎右衛 調北京 龍虎衛 調

調北京 英武衛 潘陽右衛 潘陽左衛 在外 浙江都司 杭州前衛

衛 昌國衛 溫州衛 寧波衛 臨山衛 處州衛 紹興衛 金鄉衛

定海衛 海州衛 盤石衛 觀海衛 湖州千戶所 海寧千戶

東都司 遼左衛 遼後衛 遼右衛 遼中衛 遼前衛

廣寧前屯衛 廣寧後屯衛 廣寧左屯衛 復州衛 瀋陽中衛

廣寧中護衛 廣寧後屯衛 山東都司 為天津右衛

青州護衛 登州衛 兗州護衛 萊州衛 兗州左護衛 濟南

衛 平山衛 德州衛 膠州千戶所 諸城千戶所 滕

縣 武定屬後府 改屬後府 諸城千戶所 滕

右軍都督府在京 虎賁右衛 調北京 留守右衛 調北京

廣武 在外 雲南都司 雲南左衛 雲南右衛 雲南前

景東衛 曲靖衛 金齒衛 大理衛 洱海衛 蒙化衛

馬隆衛 改雲南右護衛 革 平夷衛 越州衛 六涼

千戶所 貴州都司 貴州衛 烏撒衛 普安衛 層平

衛 赤水衛 安莊衛 龍里衛 新安衛 都勻衛

畢節衛 四川都司 成都左護衛 成都右護衛 成都中衛

黃平千戶所 成都前衛 成都後衛 成都左衛 成都右衛

成都右衛 成都前衛 成都後衛 成都左衛 成都右衛

成都前衛 成都後衛 成都左衛 成都右衛

成都前衛 成都後衛 成都左衛 成都右衛

成都前衛 成都後衛 成都左衛 成都右衛





武昌左衛 黃州衛 永安州衛 辰州衛 岳州衛 安陸衛 蕪湖衛 蘄州衛  
施州衛 長沙衛 襄陽衛 寶慶衛 襄陽衛 沔陽衛 後俱屬行都司  
常德衛 沅州衛 茶陵衛 寶慶衛 沔陽衛 沔陽衛 後俱屬行都司  
司 長沙衛 平溪衛 衡州衛 偏橋衛 後俱屬行都司  
司 鎮遠衛 平溪衛 衡州衛 偏橋衛 後俱屬行都司  
顯陵衛 荆州中護衛 靖州衛 左衛 屬行都司  
千戶所 夷陵千戶所 後屬興都留守司 忠州千戶所 大庸千戶所 後屬  
德安千戶所 安福千戶所 麻寮千戶所 崇山千戶所 枝江千戶所 長寧千戶所  
行都司 西平千戶所 武岡千戶所 麻寮千戶所 崇山千戶所 枝江千戶所 長寧千戶所  
所 屬行都司 武岡千戶所 麻寮千戶所 崇山千戶所 枝江千戶所 長寧千戶所  
戶所 後屬行都司 武岡千戶所 麻寮千戶所 崇山千戶所 枝江千戶所 長寧千戶所  
右改徐州左衛 福建都司 福州中衛 興化衛 泉州衛 福州左衛 福建  
中改武昌護衛 福建都司 福州中衛 興化衛 泉州衛 福州左衛 福建  
漳州衛 福寧衛 鎮東衛 鎮海衛 福建行都司 建寧左衛 建寧右衛  
平海衛 永寧衛 鎮海衛 福建行都司 建寧左衛 建寧右衛  
衛 建陽衛 延平衛 鎮海衛 福建行都司 建寧左衛 建寧右衛  
武衛 汀州衛 將樂千戶所 江西都司 南昌左衛 南昌前衛

袁州衛 贛州衛 吉安衛 後為千戶所 饒州千戶所  
所 安福千戶所 建昌千戶所 會昌千戶所 撫州千戶所 永新千戶所 廣  
安千戶所 鉛山千戶所 廣信千戶所 撫州千戶所 永新千戶所 廣  
州左衛 廣州右衛 南海衛 肇慶衛 潮州衛 雷州衛 廣州後衛  
海南衛 清遠衛 惠州衛 肇慶衛 潮州衛 雷州衛 廣州後衛  
程鄉千戶所 高州千戶所 儋州千戶所 廉州千戶所 崖州千戶所 後為廉州  
衛 萬州千戶所 韶州千戶所 德慶千戶所 崖州千戶所 新興千戶所 南  
雄千戶所 韶州千戶所 德慶千戶所 崖州千戶所 新興千戶所 南  
戶所 陽江千戶所 橫海衛 鷹揚衛 興武衛 調北京  
後軍都督府在京 橫海衛 鷹揚衛 興武衛 調北京  
衛 在外北平都司 燕山左衛 燕山右衛 永清左衛 永清右衛  
革 濟川衛 濟陽衛 密雲衛 後為密雲衛 通州衛 已上俱改  
為親軍 薊州衛 密雲衛 後為密雲衛 通州衛 已上俱改  
真定衛 永平衛 山海衛 遵化衛 居北平行都  
庸關千戶所 隆慶衛 已上俱屬後府  
司 後為大寧都司 大寧左衛 大寧右衛 大寧中衛 大寧後衛 大寧  
營州左右護衛 改延慶左右衛 大寧左衛 大寧右衛 大寧中衛 大寧後衛

前衛 大寧後衛後為營州中護衛改寬河衛 會川  
 衛俱改調京衛已上俱屬後府 營州中護衛 興州  
 中護 山西都司 太原左衛 太原右衛 太原前衛  
 衛革 山西都司 振武衛 平陽衛 鎮西衛 潞州衛  
 千戶所 寧化千戶所 廣昌千戶所 雁門千戶所 沁州  
 左衛 大同右衛 朔州衛 北平三護衛 燕山左護衛  
 前衛 蔚州衛 朔州衛 太原左護衛 太原右護衛  
 燕山中護衛 山西三護衛 太原中護衛 俱革  
 俱為親軍 山西三護衛 太原左護衛 太原中護衛 俱革  
 後定天下都司衛所共計都司二十一留守司二內外  
 衛四百九十三守禦屯田羣牧千戶所三百五十九儀  
 衛司三十三 自儀衛司以下舊 宣慰使司二招討使司  
 二宣撫司六安撫司十六長官司七十 原王 番邊都司  
 衛所等四百七 後作四百 六十三

親軍上二十一衛舊制止十二衛後增設金吾左以下  
 十衛俱稱親軍指揮使司不屬五府又設騰驤等四衛  
 亦係親軍并武功永清彭城及長陵等十五衛俱不屬  
 府 金吾前衛 金吾後衛 羽林左衛 羽林右衛  
 府軍衛 府軍左衛 府軍右衛 府軍前衛 府軍後衛  
 軍後衛 虎賁左衛 錦衣衛 旗手衛 已上舊為上  
 十二衛 金吾左衛 金吾右衛 羽林前衛 已上北  
 平二護衛 洪武三十五年 燕山左衛 燕山右衛  
 衛舊為安吉衛 已上北平都司七衛 永樂四年 俱為  
 親軍 騰驤左衛 騰驤右衛 舊為神武前衛 武驤  
 左衛 武驤右衛 已上四衛 宣德八年 以各衛養馬軍  
 士及神武前衛官軍開設 武功中衛 洪武年間設  
 武功左衛 宣德二年設 武功右衛 宣德六年設  
 清左衛 永清右衛 彭城衛 已上北平三衛 改常山  
 三護衛 宣德初復為本衛 又併河南三護衛 多餘官軍  
 於彭城衛 長陵衛 舊為南京羽林右衛 永樂二十二

年改 獻陵衛舊武成左衛宣德元年改 景陵衛舊  
 武成右衛宣德十年改 裕陵衛舊武成前衛天順八  
 年改 茂陵衛舊武成後衛成化二十三年改 泰陵  
 衛舊忠義左衛弘治十八年改 康陵衛舊義勇中衛  
 正德十六年改 永陵衛舊義勇左衛嘉靖二十七年  
 改 昭陵衛舊神武後衛隆慶六年改 定陵衛  
 陵衛 德陵衛 奠靖寺轄已上俱不屬五府  
 儀牲千戶所屬太常寺轄已上俱不屬五府

五軍都督府所屬衛所

左軍都督府在京

留守左衛 鎮南衛 驍騎右衛  
 龍虎衛 瀋陽左衛 瀋陽右衛俱

南京舊制永樂

在外浙江都司 杭州前衛 杭州後衛  
 處州衛 紹興衛 海寧衛 昌國衛 溫州衛 寧波衛 臨

山衛 松門衛 金鄉衛 海門衛 衢州千戶所 定海衛 盤石

衛 觀海衛 海寧千戶所 衢州千戶所 定海衛 盤石

下各所舊無後添設 乍浦千戶所 三江水千戶所 定海中千戶

所 瀝海千戶所 龍山千戶所 三山千戶所 大嵩千戶所 石浦後  
 千戶所 爵谿千戶所 桃渚千戶所 錢倉千戶所 健跳千戶所 水軍千戶所 石浦後  
 千戶所 楚門千戶所 蒲門千戶所 平陽千戶所 壯士千戶所 瑞安千戶所 隘頭  
 千戶所 新河千戶所 浦岐千戶所 所舊有後葺 寮南都司 定遼左衛  
 東寧衛 遼中衛 定遼前衛 遼州衛 蓋州衛 鐵嶺衛 定遼右衛  
 復州衛 義州衛 遼海衛 遼寧衛 廣寧衛 廣寧左衛 廣寧右衛  
 後屯衛 廣寧中衛 廣寧衛 已下添設 撫順千戶所 廣寧中衛 廣寧右衛  
 廣寧中衛 廣寧中衛 寧遠衛 撫順千戶所 寧遠中衛 寧遠右衛  
 州中左千戶所 廣寧中後千戶所 寧遠中右千戶所 寧遠中左千戶所 寧遠中前  
 所 三萬前千戶所 鐵嶺左右千戶所 廣寧中左千戶所 寧遠中前  
 中千戶所 遼海千戶所 遼海後千戶所 遼海右千戶所 遼海左千戶所 寧遠中前  
 遼海前千戶所 遼海千戶所 遼海後千戶所 遼海右千戶所 遼海左千戶所 寧遠中前

戶山東都司 舊有青州左護衛後天天津右衛舊有貴州  
衛寧海衛 州護衛革登州衛 威安東衛已下添設  
靖海衛 東昌衛 臨清衛 大嵩衛 威海衛 成山衛  
濟寧衛 舊武昌衛 左護衛後改 兗州左衛後改任城衛  
下添設 諸城千戶所 滕縣千戶所 兗州千戶所 肥城千戶所 膠州千戶所  
雄崖千戶所 浮山千戶所 東平千戶所 福山千戶所 寧津千戶所  
奇山千戶所 濮州千戶所 後千戶所 金山千戶所 王徐寨千戶所  
山後千戶所 儀衛司前千戶所 尺崖後千戶所 儀衛司 德府儀衛司  
涇府儀衛司 衛府儀衛司 儀衛司 儀衛司 儀衛司 儀衛司  
牧所 衛所 衛所 衛所 衛所 衛所 衛所 衛所 衛所 衛所 衛所 衛所  
右軍都督府在京 留守右衛 舊衛 未樂右衛 武德衛 在  
外直隸 宣川衛 舊 陝西都司 舊 有 陝州衛 沙州衛 靈山  
護衛 舊 泰山衛 改 漢中衛 西安左衛 西安前衛 西安右衛  
衛 延安衛 漢中衛 西安左衛 西安前衛 西安右衛

慶陽衛 鞏昌衛 臨洮衛 蘭州衛 秦州衛 岷州衛 岷州衛 舊軍民指揮使司嘉靖二十四年添設岷州衛  
寸年革後存衛 河州衛 舊軍民指揮使司嘉靖二十四年添設岷州衛  
前衛 已下各衛 舊 無後設 寧夏中衛 寧夏東衛 寧夏西衛  
舊和州衛 固原衛 左屯衛 右屯衛 寧夏中衛 寧夏東衛 寧夏西衛  
靖虜衛 興安衛 榆林衛 寧夏右屯衛 寧夏中衛 寧夏東衛 寧夏西衛  
鳳翔千戶所 興安千戶所 禮店千戶所 前千戶所 舊金州千戶所 後千戶所 萬曆十年改  
千戶所 秦州千戶所 嘉靖千戶所 西固千戶所 文縣千戶所 歸德千戶所 靈州千戶所 戶所  
舊屬秦州千戶所 嘉靖千戶所 西固千戶所 文縣千戶所 歸德千戶所 靈州千戶所 戶所  
羌千戶所 安邊千戶所 寧夏平虜千戶所 歸德千戶所 靈州千戶所 戶所  
司 慶府儀衛司 安東羣牧所 甘肅府儀衛司 韓府儀衛司 秦府儀衛司 陝西衛  
寧夏羣牧所 安東羣牧所 甘肅府儀衛司 韓府儀衛司 秦府儀衛司 陝西衛  
行都司 洪武十二年添設 甘肅府儀衛司 韓府儀衛司 秦府儀衛司 陝西衛  
甘肅衛分設 永昌衛 甘肅府儀衛司 韓府儀衛司 秦府儀衛司 陝西衛  
山丹衛 已上舊屬陝西都司 肅州衛 莊浪衛 鎮番衛 西寧衛

月史卷九十一

鎮夷千戶所 高臺千戶所 古浪千戶所 四川都司 舊有浦江關軍民千戶所 成都後衛 成都前衛 成都左衛 護衛 寧川衛 舊無後設 茂州衛 成都中衛 重慶衛 成都前衛 威南衛 威州千戶所 指揮使司 濶州衛 改利州衛 舊無後設 保寧千戶所 廣安千戶所 威州千戶所 濶州千戶所 州千戶所 各所後設 黔江千戶所 廣安千戶所 威州千戶所 濶州千戶所 建武千戶所 儀衛司 革 壽府 羣牧所 儀衛司 土官 天全六司 司屬都司 隴木頭長官司 石耶洞長官司 宜州長官司 西陽宣撫司 達長官司 屬重慶衛 茂州衛 石耶洞長官司 宜州長官司 邕梅洞長官司 蠟也族司 已上屬西陽宣撫司 石耶洞長官司 宜州長官司 邕梅洞長官司 蠟也族司 長官司 白馬路族長官司 占藏先結族長官司 邑梅洞長官司 蠟也族司 洞族長官司 北定族長官司 麥匪族長官司 阿昔者 多族長官司 牟力族長官司 班班族長官司 命族長官司 勒都族長官司 色藏族長官司 阿所 思族長官司 思翼兒族長官司 阿角寨安撫司 阿所 潘幹寨長官司 八郎安撫司 阿角寨安撫司 麻

兒博安撫司 芒兒者安撫司 已上屬松潘衛 行都司 舊無後設 舊有建昌前衛 後設 蘇州衛 已下添 設會州衛 鹽井衛 越巂衛 禮州後千戶所 禮州中千戶所 建昌打冲河中千戶所 禮州後千戶所 德昌千戶所 千戶所 冕山橋後千戶所 鹽井打冲河中千戶所 禮州後千戶所 德昌千戶所 長官司 威龍長官司 普濟長官司 俱屬建昌衛 馬喇長官司 屬鹽井衛 印部長官司 屬越巂衛 西都司 桂林右衛 南丹衛 已下添 南寧衛 柳州衛 衛 奉議衛 廣西護衛 梧州千戶所 慶遠衛 潯州 縣千戶所 全州千戶所 古田千戶所 太平千戶所 貴縣千戶所 懷集千戶所 賓州千戶所 富川千戶所 鬱林千戶所 容縣千戶所 賓州千戶所 象州千戶所 所 灌陽千戶所 五屯屯田千戶所 容縣千戶所 武宣千戶所 融縣千戶所 武千戶所 五屯屯田千戶所 靖江府儀衛司 雲南都司 舊有鶴 江屯田千戶所 靖江府儀衛司 雲南都司 慶通海

二千戶所革 雲南左衛 雲南右衛 雲南前衛  
大理衛 楚雄衛 臨安衛 景東衛 曲靖衛 洱  
海衛 永昌衛 舊為金齒軍民 指揮使司 蒙化衛  
平夷衛 越州衛 六涼衛 雲南中衛 雲南後衛  
已下後設 廣南衛 大羅衛 瀾滄衛 以瀾滄軍民  
指揮使司改 騰衝衛 以騰衝軍民指揮使司改  
寧千戶所 宜良千戶所 通海前千戶所 楊林堡千  
戶所 八寨千戶所 馬隆千戶所 姚安千戶  
右千戶所 定遠千戶所 武定千戶所 本密關千戶  
所 姚安中屯千戶所 所舊為金齒千戶所 萬曆十三年改駐  
所 鎮安千戶所 所舊為永昌千戶所 萬曆十三年改駐  
守 猛 鎮 姚 千 戶 所 永 平 前 千 戶 所 永 平 後 千  
改 駐 守 老 姚 關 千 戶 所 永 平 前 千 戶 所 永 平 後 千  
戶 所 騰 衝 千 戶 所 永 平 前 千 戶 所 永 平 後 千  
官 茶 山 長 官 司 鎮 道 安 撫 司 楊 塘 安 撫 司 俱 屬 永 昌 衛  
蠻 莫 安 撫 司 鎮 道 安 撫 司 楊 塘 安 撫 司 俱 屬 永 昌 衛  
猛 養 長 官 司 俱 萬 曆 十 三 年 改 設 貴 州 都 司 舊 有 層 臺  
戶 所 俱 革 舊 有 平 伐 長 官 司 後 隸 都 勻 府 貴 州 衛 舊 有 平 浪 九  
名 九 姓 獨 山 州 三 長 官 司 後 隸 都 勻 府 貴 州 衛 舊 有 平 浪 九

寧衛 威清衛 典隆衛 平越衛 烏撒衛 普安衛 赤水  
衛 安莊衛 龍里衛 安南衛 都勻衛 畢節衛  
貴州前衛 舊無後改 黃平千戶所 白撒千戶所 普市千戶所 摩泥千  
重安千戶所 關索嶺千戶所 樂民土官新添長官司 把平寨長官  
千戶所 安南千戶所 樂民土官新添長官司 把平寨長官  
司 丹 平 長 官 司 屬 丹 行 長 官 司 已 上 屬 新 添 衛  
楊 義 長 官 司 屬 丹 行 長 官 司 已 上 屬 新 添 衛  
中軍都督府在京 陽衛 俱南京舊衛 永樂十八年調 和  
牧馬千戶所 南京舊所 在外直隸 揚州衛 高郵衛  
鎮海衛 蘇州衛 太倉衛 淮安衛  
山衛 新安衛 泗州衛 壽州衛 邳州衛 大清河  
衛 沂州衛 安慶衛 宿州衛 舊為千戶所 潼關  
衛 已下添設 廬州衛 六安衛 歸德衛 武平衛 鎮江衛  
已下添設 廬州衛 六安衛 歸德衛 武平衛 鎮江衛  
汝寧千戶所 松江中千戶所 清 中前千戶所

月史卷九十一  
志  
十一

南匯嘴中後千戶所 嘉興中左千戶所 吳淞  
江千戶所 寶山千戶所 劉通州千戶所 崇明  
沙千戶所 鹽城千戶所 興化千戶所 東海千戶所 鳳陽中千戶所 鳳陽右千戶所  
所 莒州 中都留守司 鳳陽中千戶所 鳳陽右千戶所  
守中衛 長淮衛 懷慶衛 河南都司 宣武衛 信陽衛 護衛 留  
遠衛 洪塘千戶所 陳州衛 睢陽衛 宣武衛 信陽衛 護衛 留  
彰德衛 南陽衛 懷慶衛 睢陽衛 宣武衛 信陽衛 護衛 留  
已下添設 汝州衛 懷慶衛 睢陽衛 宣武衛 信陽衛 護衛 留  
名鈞州後改 嵩縣千戶所 類上千戶所 宣武衛 信陽衛 護衛 留  
千戶所 鄧州前千戶所 伊府儀衛司 徽衛司 題府儀衛司 周府儀衛司  
衛司 唐府儀衛司 崇衛司 儀衛司 伊府儀衛司 徽衛司 題府儀衛司 周府儀衛司  
鄭府儀衛司 鄭府儀衛司 崇衛司 儀衛司 伊府儀衛司 徽衛司 題府儀衛司 周府儀衛司  
牧所 鄭府儀衛司 崇衛司 儀衛司 伊府儀衛司 徽衛司 題府儀衛司 周府儀衛司  
前軍都督府在京 俱南京前衛 龍興衛 儀衛司 儀衛司 儀衛司 儀衛司  
直隸 九江 湖廣都司 舊有武昌右千戶所 黃州衛  
直隸 九江 湖廣都司 舊有武昌右千戶所 黃州衛

沅州衛 岳州衛 蘄州衛 施州衛 辰州衛 常德衛  
陵衛 鎮遠衛 偏橋衛 九溪衛 靖州衛 衡州衛  
寧遠衛 巴下添設 麻寮千戶所 武昌衛 靖州衛 衡州衛  
福千戶所 郴州千戶所 忠州千戶所 麻寮千戶所 武昌衛 靖州衛 衡州衛  
桂陽千戶所 常寧千戶所 武崗千戶所 麻寮千戶所 武昌衛 靖州衛 衡州衛  
批杷千戶所 常寧千戶所 武崗千戶所 麻寮千戶所 武昌衛 靖州衛 衡州衛  
宜章千戶所 城步千戶所 錦田千戶所 鎮溪千戶所 寧遠千戶所 桃川千戶所 江華千戶所  
所 陸里千戶所 廣安千戶所 新化千戶所 大田千戶所 新化千戶所 黎平千戶所  
府儀衛司 雍府儀衛司 銅鼓千戶所 榮州儀衛司 楚府儀衛司 岷府儀衛司 荆府儀衛司  
司 儀衛司 雍府儀衛司 銅鼓千戶所 榮州儀衛司 楚府儀衛司 岷府儀衛司 荆府儀衛司  
羣牧所 榮府羣牧所 荆府羣牧所 榮州儀衛司 楚府儀衛司 岷府儀衛司 荆府儀衛司  
使司 屬都司 臘惹洞長官司 麥著黃洞長官司 土官 岷府儀衛司 荆府儀衛司  
驢遲洞長官司 施溶溪長官司 麥著黃洞長官司 土官 岷府儀衛司 荆府儀衛司

月史卷九

志

三







屯衛永樂初改調 瀋陽中屯衛 定州衛 已上舊衛  
北平山東山西河南等處衛 天津右衛 舊青州左衛 天津衛  
已下添設 通津左衛 天津右衛 涿鹿左衛 涿鹿中衛 河  
間衛 潼關衛 舊屬河南都司 德州左衛 梁城千  
戶所 滄州千戶所 白洋口千戶所 順德千戶所 馬關千戶所 梁城千  
戶所 鎮邊城千戶所 平定千戶所 保定前衛 保定後衛 保定俱  
舊樂安千戶所 所改屬山西都司 後改大寧都司 保定千戶所 寬  
河千戶所 鎮邊城千戶所 所改屬山西都司 後改大寧都司 保定  
元右衛 保定中衛 營州左屯衛 營州右屯衛 保定後衛 保定俱  
衛 永樂改屬茂山衛 營州後屯衛 紫荊關千戶所 萬全左衛  
五年分直隸及山西等處衛 宣府左衛 宣府右衛 懷安  
衛 開平衛 宣府前衛 宣府後衛 龍門衛 保安衛 舊屬  
慶右衛 舊屬北平都司 後改龍門衛 保安衛 舊屬  
前府後改懷來衛 興和千戶所 府後改蔚州衛 蔚州衛 廣  
寧衛

千戶所 舊屬山西都司 後改四海冶千戶所 龍門千戶所 屬直隸廣昌  
司 舊有太原三護衛 後革蒲州千戶所 太原左衛 太原右衛  
太原前衛 振武衛 平陽衛 太原左衛 太原右衛  
瀋陽中護衛 雁門千戶所 汾州衛 後設鎮西衛 潞州衛  
化千戶所 雁門千戶所 汾州衛 後設鎮西衛 潞州衛  
角千戶所 雁門千戶所 汾州衛 後設鎮西衛 潞州衛  
儀衛司 瀋府儀衛司 代府儀衛司 七年添設晉府  
瀋府羣牧所 山西行都司 舊有蔚州衛 晉府  
代府羣牧所 山西行都司 舊有蔚州衛 晉府  
右衛 大同前衛 大同後衛 朔州衛 大同左衛 大同右衛  
大同等處衛 玉林衛 高山衛 雲川衛 安東中屯衛  
威遠衛 平虜衛 山陰千戶所 雲川衛 安東中屯衛  
坪千戶所 南京衛所親軍衛 金吾前衛 羽林右衛 金吾後衛 羽林前衛 羽林左衛 府軍衛

月史卷九 志 七

府軍左衛 府軍右衛 府軍前衛 府軍後衛  
虎賁左衛 錦衣衛 旗手衛 金吾左衛 金吾右衛  
孝陵衛 儀仗千戶所

五軍都督府屬左軍都督府 本府所屬衛仍隸北京左

水車左衛 驍騎右衛 龍虎衛 龍虎左衛 鎮南衛

成都右護衛 宣德六年改 英武衛 濟陽左衛 舊為

陽右衛 右軍都督府 本府所屬衛仍隸北京右府

龍江右衛 武德 中軍都督府 本府所屬衛仍隸北京中府

廣武衛 應天衛 和 前軍都督府 本府所屬衛仍隸北

洋衛 牧馬千戶所 龍驤衛 飛熊衛 天策衛 留守前衛

龍江左衛 龍驤衛 飛熊衛 天策衛 留守前衛

軍都督府 本府所屬衛仍隸北京後府 留守後衛

橫海衛 鷹揚衛 興武衛 留守後衛

羈縻衛所 洪武永樂間邊外歸附者官其長為都督都

所 指揮指揮千百戶鎮撫等官賜以敕書印記設都司衛

都司一 奴兒干都司

衛三百八十四 朵顏衛 泰寧衛 建州衛 必里衛

置兀者衛 兀者左衛 兀者右衛 兀者後衛

赤不罕衛 屯河衛 安河衛 奴兒干衛 二年置 毛

憐衛 虎兒文衛 撒力衛 已上永樂二年置 堅河衛

舊會典有溫河 撒力衛 已上永樂二年置 古賁河

衛 右城衛 塔魯木衛 蘇溫河衛 幹灘河衛 舊

會典有灘納河 兀者前衛 小顏衛 亦罕河衛

納憐河衛 麥蘭河衛 兀列河衛 雙城衛 撮刺

兒衛 亦馬刺衛 幹蘭衛 亦兒古里衛 脫木河

衛 卜刺罕衛 密陳衛 脫倫衛 嘉里衛 塔山

衛 阿速江衛 速平江衛 脫倫衛 嘉里衛 塔山

衛 土魯罕山衛 木塔里山衛 朶林山衛 兀也

吾衛 吉河衛 訶竹哈衛 舊會典有撒竹藍 福山

月史卷九十一 七

衛舊會典作福三 肥河衛 哈溫河衛 舊會典作哈  
里河 木東河衛 撒兒忽衛 罕答河衛 舊會典作  
忽答河 劉童衛 木陽河衛 哈蘭城衛 可令河衛  
樂溫河衛 哥吉河衛 野木河衛 納刺吉河衛  
的河衛 野兒定河衛 喜速烏 考郎兀衛 好屯河衛  
里察河衛 阿刺山衛 隨滿河衛 撒秃河衛 亦速  
里河衛 古魯渾山衛 阿資河衛 甫里河衛 忽蘭  
山衛 舊會典作納刺河 撒只刺河 甫里河衛 答刺  
會典作阿吉河 衣木河衛 亦文山衛 阿里河衛 舊  
朵兒必河衛 甫門河衛 亦文山衛 木蘭河衛 舊  
列山衛 木與衛 友帖衛 牙魯衛 益實衛 者帖  
魯衛 乞忽衛 兀里溪山衛 希難河衛 益實衛 弗朵  
河衛 阿者迷河衛 撒察河衛 幹蘭河衛 阿真  
秃山衛 木忽阿河衛 欽真河衛 克默河衛 察刺  
河衛 實山衛 忽里急山衛 莫溫河衛 薛列河  
衛 已上永樂六年置 兀魯兀衛 葛林河衛 把城衛

割肥河衛 忽石門衛 割嶺上衛 木里吉  
忽兒海衛 伏里其衛 乞勒尼衛 愛河衛 把河  
衛 和屯吉衛 失里木衛 阿倫衛 古  
塔麻速衛 已上永樂七年置 木興河衛 古  
舊會典作木東河衛 喜申衛 使防河衛 舊會典作  
使方河 甫兒河衛 亦麻河衛 兀應河衛 法因  
河衛 阿答赤河衛 舊會典作阿答 古木山衛 葛  
稱哥衛 已上永樂八年置 督罕河衛 建州左衛 葛  
只兒蠻衛 兀刺衛 順民衛 囊哈兒衛 古魯衛  
舊會典作古魯山 滿徑衛 哈兒蠻衛 塔亭衛  
也孫倫衛 可木河衛 弗思木衛 弗提衛 已上永  
樂十年置 幹朶倫衛 永樂十一年置 哈兒分衛  
阿兒溫河衛 老哈塔兒河衛 兀赤河衛 兀城衛  
和十羅衛 乞塔河衛 失兒兀赤衛 卜魯秃河衛  
置 可和衛 乞塔河衛 兀刺忽衛 已上永樂十二年  
已上永樂十三年置 割真衛 兀思哈里衛 忽魯愛衛  
永樂十四年置 阿真同真衛 亦馬忽山衛 已上  
衛 已上永樂十五年置 建州右衛 亦東河衛 亦迷河  
答赤衛 塔山左衛 舊會典作塔山前 益實左衛 阿

會典作成已上俱正統間置  
已後續置巴上俱正統間置  
木衛吉河塔馬速衛失里衛  
禾屯吉河忽失木衛亦失衛  
河衛牙山忽失木衛兀也衛  
吉河衛引門河衛木衛亦里  
河衛忽失河衛魯衛倫兀衛  
阿速衛脫河衛溫河衛脫倫  
弗朵脫河衛亦屯河衛刺吉  
刺山衛阿者衛亦屯河衛元  
河衛哈黑分衛亦屯河衛元  
撒里河衛忽思木衛合元衛  
兒秀河衛沒脫倫衛阿魯必  
亦文衛寫豬洛衛答里必河  
衛兀同河衛出萬山衛古木  
河衛蘭河衛菜州山衛喜辰  
也魯河衛忽兒衛鎮真河衛  
衛把忽兒衛亦里河衛失里  
兀衛

兗屯河衛密刺秃山衛波羅河衛  
散力衛弗秃都河衛者列帖衛  
河衛兀刺河衛魯衛以哈衛  
萬河衛兀刺河衛魯衛以哈衛  
河衛兀刺河衛魯衛以哈衛  
兀山衛兀倫衛魯衛以哈衛  
竹毀衛弗力衛魯衛以哈衛  
郎衛築屯衛黑里衛右城衛  
東河衛阿古衛黑里衛右城衛  
失列河衛兒玉衛元魯衛里  
赤下罕山衛老河衛竹里衛  
者不登衛也速脫衛阿木衛  
添設山答衛塔哈衛弗魯衛  
兀勒阿城衛阿失衛吉納衛  
衛卜忽秃衛撒里衛亦思衛  
山衛阿乞衛台郎衛你克衛  
衛式木衛樹哈衛肥哈衛蓋千衛  
英秃衛

月史卷之十一

志

七

月史卷之十一

志

七

乞忽衛 阿林衛 哈兒速衛 巴答衛 脫木衛  
 忽把衛 速哈兒衛 馬失衛 塔賽衛 罰里衛  
 者哈衛 狼克衛 哈失衛 交枝衛 葛衛 蜀艾  
 答衛 亦蠻衛 哈察衛 革出衛 卜答衛 蜀河  
 賽因衛 忙哈衛  
 所二十四 兀者托溫千戶所 哈魯門山千戶所 兀者  
 穩免赤千戶所 兀者得木千戶所 兀者魚失千戶所 兀者  
 年千戶所 兀者已河千戶所 真河千戶所 兀者屯河  
 千戶所 屯河千戶所 哈三千戶所 兀者屯河  
 戶所 古賈河千戶所 五音千戶所 兀者屯河  
 千戶所 兀者揆野人千戶所 數答河千戶所 兀者屯河  
 秃河千戶所 兀者里踢千戶所 哈魯門千戶所 兀者屯河  
 討溫河千戶所 兀者站七別兒真站 哈魯門千戶所 兀者屯河  
 者撒野人千戶所 兀者站七別兒真站 哈魯門千戶所 兀者屯河  
 河衛忽把希站 兀者站七別兒真站 哈魯門千戶所 兀者屯河  
 弗答林站 兀者站七別兒真站 哈魯門千戶所 兀者屯河  
 河地面 撒哈地面 兀者站七別兒真站 哈魯門千戶所 兀者屯河  
 地面 可木地面 兀者站七別兒真站 哈魯門千戶所 兀者屯河  
 黑龍江地面 兀者站七別兒真站 哈魯門千戶所 兀者屯河  
 寨一黑龍江忽里平寨

西北諸部在明初服屬授以指揮等官設衛給諸印

衛六 赤斤蒙古衛 罕東衛 安定衛

西番即古土番洪武初遣人招諭又令各族舉舊有官

職者至京授以國師及都指揮宣慰使元帥招討等官

俾因俗以治自是番僧有封灌頂國師及贊善闡化等

王大乘大寶法王者俱給印誥傳以為信所設有都指

揮使司指揮司

都指揮使司二 烏思藏都指揮使司 指揮使司一 隴答

司 宣慰使司三 朵甘宜都指揮使司 董卜韓胡宣慰使

招討司六 朵甘思招討司 長河西魚通寧遠宣慰使司 朵甘

討司 磨見 萬戶府四 沙兒可萬戶府 乃竹萬戶府  
勅招討司 羅思端萬戶府 別思麻萬  
府千戶所十七 朵甘思千戶所 長河西千戶所 多八三  
孫千戶所 加八千戶所 兆日千戶所 納竹千戶  
所 倫答千戶所 果由千戶所 撒里土兒千戶所 哈忽的千  
戶所 李里加思千戶所 刺錯牙千戶所 泄里霸千戶所 潤則  
魯孫千戶所

班軍者衛所之軍番上京師總為三大營者也初永樂  
十三年詔邊將及河南山東山西陝西各都司中都留  
守司江南北諸衛官簡所部卒赴北京以俟臨閱京操  
自此始仁宗初因英國公張輔等言調直隸及近京軍  
番上操備諭以畢農而來先農務遣歸既而輔言邊軍

北悉放還京軍少請調山東河南中都淮揚諸衛校閱  
制曰可又救河南山東山西大寧及中都將領凡軍選  
取衣裝者以三月畢務七月至京老弱者選代官給之  
馬歲春秋乘馬上共十六萬人大寧七萬七百餘中都山  
東遞殺河南最少僅一萬四千有奇定為例後允成國  
公朱勇等請罷鞏昌諸衛及階文千戶所班軍代以陝  
西內地卒山東衛士沿海備倭沿海衛士復內調通州  
衛士漕淮安粟安慶衛士赴京操不便皆更之已并放  
還陝西班軍正統中京操軍皆戍邊乃遣御史於江北  
山東北直選卒為京師備景泰初邊事棘班軍悉留京

間歲乃放還取衣裝于是于謙石亨議三分之留兩番  
操備保定河間天津放五十日河南山東九十日淮揚  
中都百日紫荆倒馬白羊三關及保定諸城戍卒屬山  
東河南者亦如之逃者官鐫秩三等卒盡室謫邊衛明  
年謙又言班軍分十營團練久不得休請仍分兩番報  
可成化間河南秋班軍二千餘不至下御史趣之海內  
燕安外衛卒在京祇供營繕諸役勢家私占復半之卒  
多畏苦往往愆期乃定違限罪輕者發居庸密雲山海  
關罰班六月重者發邊衛罰班至半年令雖具然不能  
革也弘治中兵部言占役之害罰治如議於是選衛兵

八萬團操內外各半外衛四萬兩番迭上李東陽極言  
工作困軍班軍逾期不至大率坐此帝然之末年歸大  
寧卒兩班萬人正德中宣府軍及京營互調春秋番換  
如班軍例迄世宗立乃已嘉靖初尚書李承勛言永樂  
中調軍番上京師後遂踵爲故事衛伍半空而在京者  
徒供營造不若省行糧之費以募工作御史鮑象賢請  
分班軍爲三二入營操一以赴役通政司陳經復請半  
放之收其糧募工皆不行久之從朔國公郭勛言寬河  
南因災不至班軍而論後犯者罪必如法兵部因條議  
軍士失期治將領之罪以多寡爲差重者至鐫秩戍邊



報可其後邊警棘乃併番上軍爲一班五月赴京十一月放還每歲秋防見兵十五六萬仇鸞用事抽邊卒入衛凡選士六萬八千餘又免大寧等衛軍京操改防薊鎮班軍遂耗減豐城侯李熙覈其數僅四萬人因請改徵銀召募而以見軍四萬歸營操練嚴高議以各衛兵雖有折乾之弊然清覈令下猶凜凜畏罪若奉旨徵銀恐借爲口實祖宗良法深意一旦蕩然帝是之折乾者衛卒納銀將弁以免其行有事則召募以應亡何從平江伯陳圭奏仍令中都山東河南軍分春秋兩班別爲一營春以二月至八月還秋以九月至來歲二月還工

作毋擅役隆慶初大發卒治河軍人憚久役逃直多部議於見役軍中簡銳者著伍而以老弱供畚鍤萬曆二年科臣言班軍非爲工作設下兵部止議以小工不得概派而已時積弊已久軍士苦役甚多愆期不至故事失班脫逃者罰工銀追月精其後額外多徵軍益逃中都尤甚自嘉靖四十三年後積逋工銀至五十餘萬兩巡撫都御史張紳乞蠲額外工價軍三犯者不必罰工竟調邊衛而巡視京營給事中王道成則言凡軍一班不到卽係一年脫伍盡扣月糧本軍仍如例解京罰補正班三年脫班仍調邊衛竝報可衛軍益大困後二十

九年帝以班軍多老弱，僭令嚴飭之職方主事沈朝煥給班軍餉，皆備諸巧。因言：班軍本處有大糧，到京有行糧，又有鹽斤銀所費十餘萬金。今皆虛冒，請解大糧貯庫，有警可召募有工，可雇役部議請先申飭俟大工竣行之。是時專以班軍爲役夫番上之初意盡失矣。又五年內庭有小營繕中官陳永壽請仍用班軍，可節省。給事中宋一韓爭之，謂班軍輪操卽三大營軍所係甚重。今邊鄙多事，萬一關吏不謹而京師團練之軍多召募游徼之役，多役占皇城宿衛，多白徒四衛扈從，多廝役，卽得三都司健卒三萬，猶不能無恐。况動以興作，廢

削名存實，亡緩急何賴哉？不聽。四十年給事中麻僖請恤班操之苦，後六年順天巡撫都御史劉曰梧言：班軍無濟實用，因陳募兵十利。是時法益弛，軍不營操，皆居京師爲商販工藝，以錢入班將，啟禎時邊事洶洶，乃移班軍於邊築垣負米，無休期而糗糧缺，軍多死。班將往往逮革，特敕兵部右侍郎專督理鑄印給之，然已無及。

孫敷軍於... 既軍於... 東... 無... 附...

明史卷九十一 志第六十七

卒... 總裁官... 經筵講官... 保... 太子... 保... 和... 殿... 學... 兼... 吏... 部... 尚... 書... 事... 加... 級... 張... 廷... 孫... 奉...

救修... 兵... 三... 關... 海... 防...

非口兵三關海... 防...

三關身邊防... 兵... 平... 煉... 海... 山... 前... 海... 防...

山西備民壯土兵...

元人北歸屢謀興復永樂遷都北平三面近塞正統以

後敵患日多故終明之世邊防甚重東起鴨綠西抵嘉

峪綿亘萬里分地守禦初設遼東宣府大同延綏四鎮

繼設寧夏甘肅薊州三鎮而太原總兵治偏頭三邊制

府駐固原亦稱二鎮是爲九邊初洪武二年命大將軍徐達等備山西北平邊諭令各土方畧從淮安侯華雲龍言自永平薊州密雲迤西二千餘里關隘百二十有九皆置戍守於紫荆關及蘆花嶺設千戶所守禦又詔山西都衛於雁門關太和嶺并武朔諸山谷間凡七十二隘俱設戍兵九年敕燕山前後等十一衛分兵守古北口居庸關喜峰口松亭關烽墩百九十六處叅用南北軍士十五年又於北平都司所轄關隘二百以各衛卒守戍詔諸王近塞者每歲秋勒兵巡邊十七年命徐達籍上北平將校士卒復命將覈遼東定遼等九衛官

軍是後每遣諸公侯校沿邊士馬以籍上二十年置北平行都司於大寧其地在喜峰口外故遼西郡遼之中京大定府也西大同東遼陽南北平馮勝之破納哈出還師城之因置都司及營州五屯衛而封皇子權爲寧王調各衛兵往守先是李文忠等取元上都設開平衛及興和等千戶所東西各四驛東接大寧西接獨石二十五年又築東勝城於河州東受降城之東設十六衛與大同相望自遼以西數千里聲勢聯絡建文元年文帝起兵襲陷大寧以寧王權及諸軍歸及卽位封寧王於江西而改北平行都司爲大寧都司徒之保定調營

州五屯衛於順義薊州平谷香河三河以大寧地畀兀  
良哈自是遼東與宣大聲援阻絕又以東勝孤遠難守  
調左衛於永平右衛於遵化而墟其地先是興和亦廢  
開平徙於獨石宣府遂稱重鎮然帝於邊備甚謹自宣  
府迤西迄山西緣邊皆峻垣深濠烽堠相接隘口通車  
騎者百戶守之通樵牧者甲士十人守之武安侯鄭亨  
充總兵官其敕書云各處烟墩務增築高厚上貯五月  
糧及柴薪藥弩墩傍開井井外圍墻與墩平外望如一  
重門禦暴之意常稟稟也洪熙改元朔州軍士白榮請  
還東勝高山等十衛於故地興州軍士范濟亦言朔州

大同開平宣府大寧皆藩籬要地其土可耕宜遣將率  
兵修城堡廣屯種皆不能用正統元年給事中朱純請  
修塞垣總兵官譚廣言自龍門至獨石及黑峪口五百  
五十餘里工作甚難不若益墩臺瞭守乃增赤城等堡  
烟墩二十二寧夏總兵官史昭言所轄屯堡俱在河外  
自河迤東至察罕腦兒抵綏德州沙漠曠遠並無守備  
請於花馬池築哨馬營大同總兵官方政繼以馬營請  
欲就半嶺紅寺兒廢營修築宣大巡撫都御史李儀以  
大同平行巡哨宜謹請以副總兵主東路叅將主西路  
而迤北則屬之總兵官都指揮並如議行後二年詔塞

紫荆關諸隘口增守備軍時瓦剌漸強從成國公朱勇請也既而也先入塞英宗陷於土木景帝卽位十餘年間邊患日多索來毛里孩阿羅出之屬相繼入犯無寧歲成化元年延綏總兵官張傑言延慶等境廣袤千里所轄二十五營堡每處僅一二百人難以應敵宜選精銳九千爲六哨分屯府谷神木二縣龍州榆林二城高家安邊二堡庶緩急有備又請分布鄜慶防秋軍二千餘人於沿邊要害從之七年延綏巡撫都御史余子俊大築邊城先是東勝設衛守在河外榆林治綏德後東勝內遷失險捐米脂魚河地幾三百里正統間鎮守都

都王禎始築榆林城建緣邊營堡二十四歲調延安綏德慶陽三衛軍分戍天順中阿羅出入河套駐牧每引諸部內犯至是子俊乃徙治榆林由黃甫川西至定邊營千二百餘里墩堡相望橫截套口內復塹山堙谷曰夾道東抵偏頭西終寧固風土勁悍將勇士力北人呼爲橐駝城十二年兵部侍郎滕昭英國公張懋條上邊備言居庸關黃花鎮喜峰口古北口燕河營有團營馬步軍萬五千人戍守請益軍五千分駐永平密雲以策應遼東涼州鎮番莊浪賀蘭山迤西從雪山過河南通靖虜直至臨鞏俱敵入犯之路請調陝西官軍益以甘

涼臨鞏秦平河洮兵戍安定會寧遇警截擊以涼州銳  
士五千扼要屯駐彼此策應詔可二十一年敕各邊軍  
士每歲九月至明年三月俱常操練仍以操過軍馬及  
風雪免日奏報邊備頗修飭弘治十四年設固原鎮先  
是固原爲內地所備惟靖虜及火篩入據河套遂爲敵  
衝乃改平涼之開成縣爲固原州隸以四衛設總制府  
總陝西三邊軍務是時陝邊惟甘肅稍安而哈密屢爲  
土魯番所擾乃敕修嘉峪關正德元年春總制三邊都  
御史楊一清請復守東勝因河爲固東接大同西屬寧  
夏使河套千里沃壤歸我耕牧則陝右猶可息肩因上

修築定邊營等六事帝可其奏旋以忤中官劉瑾罷所  
築塞垣僅四十餘里而已武宗好武邊將江彬等得幸  
遼東宣府大同延綏四鎮軍多內調又以京軍六千與  
宣府軍六千春秋番換十三年頒定宣大延綏三鎮應  
援節度敵不渡河則延綏聽調於宣大渡河則宣大聽  
調於延綏從兵部尚書王瓊議也初大寧之棄以其地  
畀朵顏福餘泰寧三衛蓋兀良哈歸附者也未幾遂不  
靖宣宗嘗因田獵親率師敗之自是畏服故喜峰密雲  
止設都指揮鎮守土木之變頗傳三衛助逆後因添設  
太監叅將等官至是朵顏獨盛情叵測嘉靖初御史邱

養浩請復小河等關於外地以扼其要又請多鑄火器給沿邊州縣募商糴粟實各邊衛所詔皆行之初太祖時以邊軍屯田不足召商輸邊粟而與之鹽富商大賈悉自出財力募民墾田塞下故邊儲不匱弘治時戶部尚書葉淇始變法令商納銀太倉分給各邊商皆撤業歸邊地荒蕪米粟踊貴邊軍遂日困十一年御史徐汝圭條上邊防兵食謂延綏宜漕石州保德之粟自黃河而上楚粟由鄖陽沔粟由陝洛沔粟由漢中以達陝右宣大產二麥宜多方收糴紫荊倒馬白羊等關宜招商賃車運又請以宣府遊兵駐右衛懷來以援大同選補

遊兵於順聖西城爲臨期應援永寧等處游兵衛宣府備調遣直隸入府召募勇敢團練赴邊關遠近警急榆林山陝游兵於本處策應報可亦未能行也十八年移三邊制府鎮花馬池是時俺答諸部強橫屢深入大同太原之境晉陽南北烟火蕭然巡撫都御史陳講請以兵六千戍老營堡東界之長峪以山西兵守大司三關形勢寧武爲中路莫要於神池偏頭爲西路莫要於老營堡皆宜改設叅將雁門爲東路莫要於北樓諸口宜增設把總指揮而移神池守備於利民堡老營堡游擊於八角所各增軍設備帝悉許之規畫雖密然兵將率



怯弱其健者僅能自守而已二十二年詔宣府兵乘塞舊制總兵夏秋間分駐邊堡謂之暗伏至是有司建議入秋悉令赴邊分地拒守至九月中罷歸犒以帑金久之以勞費罷二十四年巡按山西御史陳豪言敵三犯山西傷殘百萬費餉銀六十億曾無尺寸功請定計決戰盡復套地明年敵犯延安總督三邊侍郎曾銑力主復套條上十八事帝嘉獎之大學士嚴嵩窺帝意憚兵且欲殺舊閣臣夏言因劾銑并言誅死自是無敢言邊事者二十九年俺答攻古北口從間道黃榆溝入直薄東直門諸將不敢戰敵退大將軍仇鸞力主貢市之議

明年開馬市於大同然守備如故又明年馬市罷先是翁萬達之總督宣大也嘗邊事甚悉其言曰山西保德州河岸東盡老營堡凡二百五十四里西路丫角山迤北而東歷中北路抵東路之東陽河鎮口臺凡六百四十七里宣府西路西陽河迤東歷中北路抵東路之永寧四海冶凡一千二十三里皆逼臨巨寇險在外者所謂極邊也老營堡轉南而東歷寧武雁門北樓至平刑關盡境約八百里又轉南而東爲保定界歷龍泉倒馬紫荆吳王口插箭嶺浮圖峪至沿河口約一千七十餘里又東北爲順天界歷高崖白羊抵居庸關約一百八

十餘里皆峻嶺層岡險在內者所謂次邊也敵犯山西必自大同入紫荆必自宣府未有不經外邊能入內邊者乃請修築宣大邊牆千餘里烽墩三百六十三所後以通市故不復防遂半爲敵毀至是兵部請救邊將修補科臣又言垣上宜築高臺建廬以栖火器從之時俺答益強朵顏三衛爲之嚮道遂薊宣大連歲被兵三十四年總督軍務兵部尚書楊博既解大同右衛圍因築牛心諸堡修烽墩二千八百有奇宣大間稍寧息而薊鎮之患不已薊之稱鎮自二十七年始時鎮兵未練因詔各邊入衛兵往戍旣而兵部言大同之三邊陝西之

固原宣府之長安嶺延綏之六夾牆皆據重險惟薊獨無渤海所南山陵東有蘇家口王寨離村七十里地形平漫宜築牆建臺設兵守與京軍相夾制報可時兵力孱弱有警徵召四集而議者惟以據險爲事無敢言戰者其後薊鎮入衛兵俱聽宣大旨撫調遣防禦益踈朵顏遂乘虛歲入三十七年諸鎮建議各練本鎮戍卒可省徵發費十之六然戍卒選悞不任戰歲練亦費萬餘而臨事徵發如故隆慶間總兵官戚繼光總理薊遼任練兵事因請調浙兵三千人以倡勇敢及至待命於郊自朝至日中天雨軍士跬步不移邊將大駭自是薊兵以

精整稱俺答已通貢封順義王其子孫襲封者累世迨  
萬曆之季西部遂不競而土蠻部落虎燉兔炒花宰賽  
煖兔輩東西煽動將士疲於奔命未嘗得安枕也初太  
祖沿邊設衛惟土著兵及有罪謫戍者遇有警調他衛  
軍往戍謂之客兵永樂間始命內地軍番戍謂之邊班  
其後店役逃亡之數多乃有召募有改撥有修守民兵  
土兵而邊防日益壞洪武時宣府屯守官軍始十萬正  
統景泰間已不及額弘治正德以後官軍實有者僅六  
萬六千九百有奇而召募與土兵居其半他鎮率視此  
正統初山西河南班二守偏頭大同宣府塞不得代巡

撫于謙言每歲九月至二月水冷草枯敵騎出沒乘障  
卒宜多若三月至八月邊守自足乞將兩班軍每歲一  
班如期放遣甘肅總兵官蔣貴又言沿邊墩臺守瞭軍  
更番有例惟坐事謫發者不許困苦甚乞如例踐更並  
從之五年山西總兵官李謙請偏頭關守備軍如大同  
例半歲更番部議每番皆十月而戍卒仍率以歲爲期  
有久而後遣者弘治中三邊總制秦紘言備禦延綏官  
軍自十二月赴邊既周一歲至次年二月始得代在軍  
日多請歲一更上下俱在三月朔邊軍便之嘉靖四十  
三年巡撫延綏胡志夔請免戍軍二年每軍徵銀五兩

四錢爲募兵用至萬曆初大同督撫方逢時等請修築費詔以河南應戍班軍自四年至六年概免盡扣班價發給謂之折班班軍遂耗久之所徵亦不得寧山南陽潁上三衛積逋延綏鎮折班銀至五萬餘兩是後諸邊財力俱盡敝劫極矣初邊政嚴明官軍皆有定職總兵官總鎮軍爲正兵副總兵分領三千爲奇兵遊擊分領三千往來防禦爲遊兵叅將分守各路東西策應爲援兵營堡墩臺分極衝次衝爲設軍多寡平時走陣哨探守瞭焚荒諸事無敢惰稍違制輒按軍法而其後皆廢壞云

沿海之地自廣東樂會接安南界五千里抵閩又二千  
里抵浙又二千里抵南直隸又千八百里抵山東又千  
二百里踰寶坻盧龍抵遼東又千三百餘里抵鴨綠江  
島寇倭夷在在出沒故海防亦重吳元年用浙江行省  
平章李文忠言嘉興海鹽海寧皆設兵戍守洪武四年  
十二月命靖海侯吳禎籍方國珍所部溫台慶元三府  
軍士及蘭秀山無田糧之民凡十一萬餘人隸各衛爲  
軍且禁沿海民私出海時國珍及張士誠餘衆多竄島  
嶼間勾倭爲寇五年命浙江福建造海舟防倭明年從  
德慶侯廖永忠言命廣洋江陰橫海水軍四衛增置多

櫓快船無事則巡徼遇寇以火船薄戰快船逐之詔禎  
充總兵官領四衛兵京衛及沿海諸衛軍悉聽節制每  
春以舟師出海分路防倭迄秋乃還十七年命信國公  
湯和巡視海上築山東江南北浙東西沿海諸城後三  
年命江夏侯周德興抽福建福興漳泉四府三丁之一  
爲沿海戍兵得萬五千人移置衛所於要害處築城十  
六復置定海盤石金鄉海門四衛於浙金山衛於松江  
之小官場及青村南漚嘴城二千戶所又置臨山衛於  
紹興及三山瀝海等千戶所而寧波溫台並海地先已  
置八千戶所曰平陽三江龍山鄞衢大松錢倉新河松

門皆屯兵設守二十一年又命和行視閩粵築城增兵  
置福建沿海指揮使司五曰福寧鎮東平海永寧鎮海  
領千戶所十二曰大金定海梅花萬安莆禧崇武福全  
金門高浦六鰲鑄山元鍾二十三年從衛卒陳仁言造  
蘇州太倉衛海舟旋令濱海衛所每百戶及巡檢司皆  
置船二巡海上盜賊後從山東都司周彥言建五總寨  
於寧海衛與萊州衛八總寨共轄小寨四十八已復命  
重臣勲戚魏國公徐輝祖等分巡沿海帝素厭日本詭  
譎絕其貢使故終洪武建文世不爲患永樂十六年命豐  
城侯李彬等緣海捕倭復招島人蜑戶賈豎漁丁爲兵

防備益嚴十七年倭寇遼東總兵官劉江殲之於望海  
塌自是倭大懼百餘年間海上無大侵犯朝廷閱數歲  
一令大臣巡警而已至嘉靖中倭患漸起始設巡撫浙  
江兼管福建海道提督軍務都御史已改巡撫爲巡視  
未幾倭寇益肆乃增設金山叅將分守蘇松海防尋改  
爲副總兵調募江南北徐邳官兵充戰守而杭嘉湖  
亦增叅將及兵備道二十三年調撥山東民兵及青州  
水陸槍手千人赴淮揚聽總督南直軍務都御史張經  
調用時倭縱掠杭嘉蘇松踞柘林城爲窟穴大江南北  
皆被擾監司任環敗之經亦有王家涇之捷乃遁出海

復犯蘇州於是南京御史屠仲律言五事其守海口云  
守平陽港黃花澳據海門之險使不得犯溫台守寧海  
關湖頭灣遏三江之口使不得窺寧紹守鯨子門乍浦  
峽使不得近杭嘉守吳淞劉家河七丫港使不得掩蘇  
松且宜修飭海舟大小相比或百或五十聯爲一綜募  
慣習水工領之而充以原額水軍於諸海口量緩急置  
防部是其議未幾兵部亦言浙直通泰間最利水戰往  
時多用沙船破賊請厚賞招徠之防禦之法守海島爲  
上宜以太倉崇明嘉定上海沙船及福倉東莞等船守  
普陀大衢陳錢山乃浙直分路之始狼福二山約束首

尾交接江洋亦要害地宜督水師固守報可已復令直隸吳淞江劉家河福山港鎮江圖山五總添設游兵聽金山副總兵調度時胡宗憲爲總督誅海賊徐海汪直直部三千人復勾倭入寇閩廣益騷三十七年都御史王詢請分福建之福興爲一路領以叅將駐福寧水防自流江烽火門俞山小埕至南日山漳泉爲一路領以叅將駐詔安水防自南日山至浯嶼銅山元鍾走馬溪安邊館水陸兵皆聽節制福建省城介在南北去海僅五十里宜更設叅將選募精銳部領哨船與主客兵相應援部覆從之廣東惠潮亦增設叅將駐揭陽福建巡

撫都御史游震得言浙江溫處與福寧接壤倭所出沒宜進戚繼光爲副總兵守之而增設福寧守備隸繼光漳州之月港亦增設守備隸總兵官俞大猷延建邵爲八閩上游宜募兵以備緩急皆允行旣而宗憲被逮罷總督官以浙江巡撫趙炳然兼任軍事炳然因請令定海總兵屬浙江金山總兵屬南直俱兼理水陸軍務互相策應其後莆田倭寇平乃復五水寨舊制五寨者福寧之烽火門福州之小埕澳興化之南日山泉州之浯嶼漳州之西門澳亦曰銅山景泰三年鎮守尚書薛希璉奏建者也後廢至是巡撫譚綸疏言五寨守扼外洋

法甚周悉宜復舊以烽火門南日浯嶼三鯨爲正兵銅  
山小埕二鯨爲游兵寨設把總分汛地明斥埃嚴會哨  
改三路叅將爲守備分新募浙兵爲二班各九千人春  
秋番上各縣民壯皆補用精悍每府領以武職一人兵  
備使者以時閱視帝皆是之狼山故設副總兵至是改  
爲鎮守總兵官兼轄大江南北迨隆慶初倭漸不爲患  
而諸小寇往往有之萬曆三年設廣東南澳總兵官以  
其據漳泉要害也久之倭寇朝鮮朝廷大發兵往援先  
後六年於是設巡撫官於天津防畿甸後十餘年從南  
直巡按御史顏思忠言分淮安大營兵六百守廖角嘴

從福建巡撫丁繼嗣言設兵自浙入閩之三江及劉澳  
而易海澄團練營土著軍以浙兵天啟中築城於澎湖  
設游擊守把總二統兵三千築礮臺以守先是萬曆中  
許孚遠撫閩奏築福州海壇山因及澎湖諸嶼且言浙  
東沿海陳錢金塘五環南麂諸山俱宜經理遂設南麂  
副總兵而澎湖不暇及其地遙峙海中透迤如修蛇多  
岐港零嶼其中空濶可藏巨艘初爲紅毛所據至是因  
巡撫南居益言乃奪而守之自世宗世倭患以來沿海  
大都會各設總督巡撫兵備副使及總兵官叅將游擊  
等員而諸所防禦於廣東則分東中西三路設三叅將



於福建則有五水寨於浙則有六總一金鄉盤石二衛  
一松門海門二衛一昌國衛及錢倉爵溪等所一定海  
衛及鄞甯大嵩等所一觀海臨山二衛一海寧衛分統  
以四叅將於南直隸則乍浦以東金山衛設叅將黃浦  
以北吳淞江口設總兵於淮揚則總兵駐通州游擊駐  
廟灣又於揚州設陸兵游擊待調遣於山東則登萊青  
三府設巡察海道之副使管理民兵之叅將總督沿海  
兵馬備倭之都指揮於薊遼則大沽海口宿重兵領以  
副總兵而以密雲永平兩游擊爲應援山海關外則廣  
寧中前等五所兵守各汛以寧前叅將爲應援而金復

海蓋諸軍皆任防海三岔以東九聯城外創鎮江城設  
游擊統兵千七百哨海上北與寬奠叅將陸營相接其  
計凡七鎮而守備把總分守巡徼會哨者不下數百員  
以三四五月爲大汛九十月爲小汛蓋遭倭甚毒故設  
防亦最密云日本地與閩相值而浙之招寶關其貢道  
在焉故浙閩爲最衝南寇則廣東北寇則山江犯留都  
淮揚故防海外防江爲重洪武初於都城南新江口置  
水兵八千已稍置萬二千造船四百艘又設陸兵於北  
岸浦子口相犄角所轄沿江諸郡上自九江廣濟黃梅  
下抵蘇松通泰中包安慶池和太平凡盜賊及販私鹽

者悉令巡捕兼以防倭永樂時特命勛臣爲帥視江操其後兼用都御史成化四年從錦衣衛僉事馮瑤言令江兵依地設防於瓜儀太平置將領鎮守後六年守備定西侯蔣琬奏調建陽鎮江諸衛軍補江兵缺伍十三年命擇武大臣一人職江操毋攝營務又五年從南京都御史白昂言敕沿江守備官互糧應援并給關防著爲令弘治中命新江口兩班軍如京營例首班歇卽以次班操嘉靖八年江陰賊侯仲金等作亂給事中夏言請設鎮守江淮總兵官已而寇平總兵罷不設十九年沙賊黃良等復起帝詰兵部以罷總兵之故乃復設給

旗牌符敕提督沿江上下後復裁罷二十二年倭患熾復設副總兵於金山衛轄沿海至鎮江與狼山副總兵水陸相應時江北俱被倭於是量調九江安慶官軍守京口圖山等地久之給事中范宗吳言故事操江都御史防江應鳳二巡撫防海後因倭警遂以鎮江而下通常狼福諸處隸之操江以故二撫臣得諉其責操江又以向非本屬兵難遙制亦漠然視之非委任責成意宜以圖山三江會口爲操撫分界報可其後增上下兩江巡視御史得舉劾有司將領而以南京僉都御史兼理操江不另設先是增募水兵六千隆慶初以都御史吳

時來請留四之一餘悉罷遣并裁中軍把總等官已復令分汛設守而責以上下南北互相策應又從都御史宋儀望言諸軍皆分駐江上不得居城市萬曆二十年以倭警言者請復設京口總兵南京兵部尚書衷貞吉等謂既有吳淞總兵不宜兩設乃設兵備使者每春汛調備倭都督統衛所水陸軍赴鎮江後七年操江耿定力奏長江千餘里上江列營五兵備臣三下江列營五兵備臣二宜委以簡閱訓練卽以精否爲兵備殿最部議以爲然故事南北總哨官五日一會哨於適中地將領官亦月兩至江上會哨其後多不行崇禎中復以勲

在操江偷惰成習會哨巡徼皆虛名非有實矣其衛所之外郡縣有民壯邊郡有土兵太祖定江東循元制立管領民兵萬戶府後從山西行都司言聽邊民自備軍械團結防邊閩浙苦倭指揮方謙請籍民丁多者爲軍尋以爲患鄉里詔閩浙互徙時已用民兵然非召募也正統二年始募所在軍餘民壯願自效者陝西得四千二百人人給布二匹月糧四斗景泰初遣使分募直隸山東山西河南民壯撥山西義勇守大同而紫荆倒馬二關亦用民兵防守嘉平免歸成化二年以邊警復二關民兵敕御史往延安慶陽選精壯編伍得五千

餘人號曰士兵以延綏巡撫盧祥言邊民驍果可練爲兵使護田里妻子故有是命弘治二年立僉民壯法州縣七八百里以上里僉五人五百里四三百里三百里以上二有司訓練遇警調發給以行糧而禁役占放買之弊富民不願則上直於官官自爲募或稱機兵在巡檢司者稱弓兵後以越境防冬非計大同巡撫劉宇請免其班操徵銀糧輸大同而以城遠屯下舍餘補役給事中熊偉亦請編應募民於附近衛所並從之十四年以西北諸邊所募士兵多不足五千遣使齎銀二十萬及太僕寺馬價銀四萬往募指揮千百戶以募兵多寡

爲差得遷級失官者得復職卽命統所募兵旣而兵部議覆侍郎李孟賜請實軍伍疏謂天下衛所官軍原額二百七十餘萬歲久逃故嘗選民壯三十餘萬又覈衛所舍人餘丁八十八萬西北諸邊召募士兵無慮數萬請如孟賜奏察有司不操練民壯私役雜差者如役占軍人罪報可正德中流賊擾山東巡撫張鳳選民兵令自買馬團操民不勝其擾兵部侍郎楊潭以爲言都御史甯杲所募多無賴子爲御史張璿所劾嘉靖二十二年增州縣民壯額大者千人次六七百小者五百二十九年京師新被寇議募民兵以二萬爲率歲四月終赴

近京防禦後五年兵部尚書楊博請汰老弱存精銳在外者發各道爲民兵在京者隸之巡捕叅將逃者不補帝以影占數多耗糧無用遣官覈宜罷宜還者以聞隆慶中張居正陳以勤復請籍畿甸民兵謂直隸八府人多健悍總按戶籍除單丁老弱者父子三人籍一子兄弟三人籍一弟州與大縣可得千六百人小縣可得千人中分之爲正兵奇兵登名尺籍隸縣臣操練歲無過三月月無過三次練畢卽令歸農復其身歲操外不得別遣命所司議行然自嘉靖後山東河南民兵戍薊門者率徵銀以充召募至萬曆初山東徵銀至五萬六千

兩貧民女困治河之役給事中張貞觀請益募士兵捍淮揚徐邳畿南盜起給事中耿隨龍請復民壯舊制專捕賊盜播州之亂工部侍郎趙可懷請練士著兵部因言天下之無兵者不獨蜀也各省官軍民壯皆宜罷老穉易以健卒軍操屬印官操官民操屬正官捕官郡守監司不得牽制立營分伍以憑調發先後皆議行末年募兵措餉益急南京職方郎中鄒維璉陳調募之害山西叅政徐九翰尤極言民兵不可調崇禎時中原盜急兵部尚書楊嗣昌議令貴州縣訓練土著爲兵工部侍郎張慎言言其不便者數事而御史米壽圖又言其害

有十謂不若簡練民兵增民壯快手備禦地方爲便後嗣昌死練兵亦不行鄉兵者隨其風土所長應募調佐軍旅緩急其隸軍籍者曰浙兵義烏爲最處次之台寧又次之善狼筈間以义槩戚繼光製鴛鴦陣以破倭及守薊門最有名曰川兵曰遼兵崇禎時多調之勦流賊其不隸軍籍者所在多有河南嵩縣曰毛葫蘆習短兵長於走山而嵩及盧氏靈寶永寧並多礦兵曰角腦又曰打手山東有長竿手徐州有箭手并陘有螞螂手善運石遠可及百步閩漳泉習鏢牌水戰爲最泉州永春人善技擊正統間郭榮六者破沙尤賊有功商竈鹽丁

以私販爲業多勁果成化初河東鹽徒千百輩自備火礮強弩車仗雜官軍逐寇而松江曹涇鹽徒嘉靖中逐倭至島上焚其舟後倭見民家有鏝囊輒搖手相戒粵東雜蠻蠻習長牌斫刀而新會東莞之產強半延綏固原多邊外土著善騎射英宗命簡練以備秋防大藤峽之役韓雍用之以摧猱獍之用牌刀者莊浪魯家軍舊隸隨駕中洪熙初令土指揮領之萬曆間部臣稱其驍健爲敵所畏宜鼓舞以儲邊用西寧馬戶八百嘗自備騎械赴敵後以款貢裁之萬曆卅九年經畧鄭維請復其故又僧兵有少林伏牛五臺倭亂少林僧應募者四

明史卷九十一  
十餘人戰殲多勝西南邊服有各土司兵湖南永順保靖二宣慰所部廣西東蘭那地南丹歸順諸蠻兵四川西陽石柱秦氏冉氏諸司宣力最多末年邊事急有司專以調三省土司爲長策其利害亦恒相半云

明史卷九十一終



